

温州市图书馆

列朝私纪 三卷

共 1 册 存 1 册 排架号 02785

列朝私紀

借玉海虞所賦樽庵手  
殘卷付寫

溫如

公館

列朝私紀卷之

奉先舊制



永嘉周天錫



國朝奉先殿在南都者為德祖帝后懿祖帝后熙祖帝后仁祖帝  
 后建文加大祖帝后永樂間加文皇后凡十一位其常供以日易  
 一日捲煎二日細糖三日已茶四日糖酥餅五日兩熟魚六日蒸  
 捲加蒸羊七日金花密餅八日糖蒸餅九日肉油酥十日糖棗糕  
 十一日沙糖燒餅十二日糖砂餡十三日羊肉饅餛十四日雪糕  
 十五日肥遯角十六日蜂糖糕十七日酥油燒餅十八日象眼糕  
 十九日酥史角二十日髓餅二十一日捲餅二十二日密酥餅二  
 十三日盪麵燒餅二十四日麻膩餅麵二十五日椒鹽餅二十六  
 日御菱二十七日芝麻糖燒餅二十八日蓼花二十九日酪三十

私紀



日十層燒餅如小盡則朔日併供新獻以月易正月韭菜生菜齋  
菜蛤蜊鱗魚雞子鴨子二月新茶薑菜芹菜薑蒿 鵝三月鮮笋  
莧菜青菜鯉魚四月蘿蔔櫻桃枇杷梅子杏子王瓜菹猪雉雞五  
月菜瓜瓠子苦蕒菜茄來禽桃李嫩雞小麥仁大麥仁小麥麵餅  
魚六月蓮房西瓜甜瓜冬瓜乾鮓魚細紅糟鮓魚鰻魚七月雪梨  
鮮菱芡實鮮棗葡萄八月粟米糶米稷米藕芋子交苳嫩薑鱖魚  
蟪解九月粟橙鱖魚小紅豆十月山藥菊柑兔十一月齋麥麵廿  
蔗鹿獐天鵝鵝鵝鵝鵝十二月菠菜芥菜白魚鯽魚其供凡  
早午二上內列三爵饌在爵東饌即米飯肉食在爵西以雞鵝間  
日用茶在爵南中茶東西列小菜四茶南西曰常供東曰新獻  
酒壺西汁壺汁用猪脊骨煎東茶壺若立春以饅餡  
春餅春菓子元用圓子燈菓子佛誕日四月八日以不落夾 饌加

烏飯重午以米粽代饌加涼糕七夕以大饅餡代饌加山藥中秋  
代饌同上重九加素絲糕棗亭糕糖棗糕十月初一加米糕細糖  
白糖芝麻糖凍魚臘日蒜麵聖節用索麵此高皇帝奉先侑物極  
其誠敬皆舊制也若其自奉則牛諒以周禮祀齋之日宰牘以助  
精神為說上曰周官之法下行於後世者多矣惟自奉乃欲法古  
乎故早饌不過八味午饌十二味而已此與大禹菲食致孝一軌  
轍者也見只編

郊祀陳設

正殿三壇壝一登一實以大羹煮肉汁不籩十二實以形鹽膏魚

棗栗榛菱芡鹿脯白餅造黑餅造粉造糗餅造粉造糗餅造豆十

二實以韭俎以韭切去本菁俎芹俎筍俎醯醢酒猪肉鮓用鹽鹿醢


兔醢魚醢脾析用牛百藥切細湯豚胎猪肩飽食羊脂糗糗飯糗食

用牛羊豕肉細切與粳米飯同煮簋簋各二實以黍稷稻粱玉用蒼璧一配位同  
 琮黃帛一皇祇黃色丹墀四壇犢一登一籩十無粉餅豆十無  
 食糝簋簋各一

燔柴

凡燔柴洪武六年令先剉淨犢牛器盛置于燔壇之右駕自齋宮詣壇太和鐘鳴則壇內舉火候贊燔柴即以犢牛置其上燔之會典

陳設圖



上—圍丘卅表儀



嘉靖十七年十月二十日該臣嵩節奏聖諭朕取二十四日於茲月躬行奏謝天垂景雲禮于玄極寶殿子刻行事往詣南郊恭以上帝尊號預告於神祇回御殿發勅秩宗具禮儀注欽此仰皇上昭事皇天恭上卅寶預告百神所以因卑達尊克盡臣子之義者也聖見高明裁畫允當臣等忝職禮官謹當竭誠盡敬仰贊非常之典所據預告及發勅儀謹遵聖諭開列上進臣等切惟天帝尊臨無上凡在天之神在地之祇無所不統然其稱號難以悉陳合無查照南北郊神祇壇位恭列於圍丘之下東西相向天神於北首地祇次之謹將陳設位次上呈御覽以俟聖裁其發勅儀今次上冊皇天皇祖典禮隆重難視故常所宜播告大廷百官各具朝服聽宣讀伏乞聖明裁定恭候勅下遵行本月二十二日奉欽定

上圜丘册表郊壇內外圖

冊表

東

天神  
五壇  
三壇  
二壇

同知  
冊表  
總理  
使官

冊表

第第

北 上帝位 神御前 香册案 祝飲位一 二 御拜位 成 成

册表祝文案

成 成

總理  
使官  
前  
册表  
官

禮冊  
祝官

天神  
二壇  
四壇  
五壇

太祖

欽定郊壇外圖

欽定

傳贊

文陪祀官

傳贊

傳贊

百官拜位

生耆拜位

北

昭亨門

欽定  
教  
事

武陪祀官

百官拜位

生耆拜位

欽定神祇壇位

天神一大明之神 三爵 帛紅色

二夜明之神 三爵 帛白色

三木火土金星之神 蓋三十 帛蒼赤素黑黃

二十八宿之神 帛白色

周天星辰之神 帛白色

四雲師之神 蓋三十 帛黃色

雨師之神 帛黑色

風伯之神 帛黑色

雷師之神 帛青色

五周天列職之神 蓋五十 帛五色 五段

地祇一中嶽嵩山之神 蓋五十 帛俱紅色

東嶽泰山之神 南嶽衡山之神

西嶽華山之神 北嶽恒山之神

中嶽霍山之神 東鎮沂山之神

南鎮會稽之神 西鎮吳山之神

北鎮醫無閭山之神 翔聖山之神

基運山之神 天壽山之神

神烈山之神

純德山之神

二東海之神 蓋五十 帛俱黑色 南海之神

西海之神 北海之神

江瀆之神 河瀆之神

淮瀆之神

濟瀆之神

三際地列職祇靈蓋五色十段

四天下之神蓋紅色十段

五天下之祇蓋黑色十段

六戊戌太歲之神蓋黃色十段

十月神將直日功曹之神

郊壇司土之神

欽定

太廟上册圖

寶案册案

捧玉宣考廟  
捧玉宣考廟  
捧玉宣考廟  
捧玉宣考廟

惟懌文命婦

親王功臣

舞生文

御史

序班

宣册寶官

御拜位殿

武

文陪祀官

武陪祀官

太廟

宣册寶官

中宮拜位門

舞生武

御史

序班

册案寶案

捧玉宣武廟  
捧玉宣武廟  
捧玉宣武廟

惟懌武命婦

親王功臣



奉製秋享神牌

嚴嵩

准工部都水司手本內開該禮部題奉欽依內府成造秋享明堂正位配位神牌該內官監御用監官稱說神牌若用沈香該御用監成造若用栗木該內官監成造又稱該何尺寸回報前來煩查應照何項規制尺寸該用何項地質木料議擬明白題奉欽依咨行以憑轉行造辦等因到部臣等查得嘉靖九年六月內為郊祀大禮事該本部奏有聖諭園丘上帝御位大祖配位俱以在殿者奉設及查泰神殿奉藏昊天上帝太祖配位神牌俱高二尺六寸闊五寸厚七分座高五寸四分座高面九寸三分深闊五寸一分座底長一尺深五寸五分規制見存今秋享大禮比之園丘事體無二所據上帝御位獻皇帝配位神牌規制尺寸地質顏色相應比依一體成造但應用沈香栗等木看得園丘牌位年久丹漆塗

繪木料難辦臣等愚見合無用香木於上帝違精神之意而用栗木於皇考取相生之義伏乞聖裁云云嘉靖十七年八月初三日

廟制

古者七廟之制父為昭子為穆蓋以世次分也兄弟同一昭穆則同一世如湯父主癸承兄主壬之統共為一廟唐玄宗始建九廟而以中宗睿宗各為一廟其後敬宗文宗武宗兄弟繼立敬宗崩毀肅廟文宗崩毀代廟至武宗崩德廟以次當毀而於宣宗為高祖禮官始覺其非乃議復祔代宗于太廟而以敬文武同為一世廟同而室異焉宋真宗時議太祖廟制禮官請與太宗合祭同位異坐亦此意也然則我廟獻帝當與孝宗世宗當與武宗同廟方合昭穆之義惜乎禮官之不及此也

孝穆享廟禮

昭代紀畧

周洪謨上言周姜嫄為帝嚳次妃后稷之母周禮有享先妣樂舞  
蓋指姜嫄而魯頌閟宮之詩特見其名此別廟以祀之證也至宋  
元德懿德二后既有別廟之享章獻章懿二后遂有奉慈之建每  
歲五享四時獻新令考穆神主宜於奉先殿傍別立一廟歲時享  
祀一如奉先殿儀案弘治中議皇太后廟祭禮禮臣亦言魯頌姜  
嫄閟宮春秋考仲子之宮皆於禮為別廟之證自漢唐宋亦然惟  
李宸妃之沒仁宗乃追尊而祔祭非後世所當法也

南京太廟議

古者國無二廟無二主故虞祭用桑主練祭用栗主栗主既立乃  
毀桑主君去其國則太宰取羣廟之主以從明天無二日尊無二  
上也後世此義不明漢有原廟齊有僞主魏瀆妄事神則難若周  
有三都三廟又禮以義起事有攸宜岐周則太王諸侯之廟鎬京

則定都所建

邑則周公

鼎所建也然鎬京廟成則岐

周之主已從洛邑雖廟成王未嘗都洛則鎬京之主自在周公即  
以至親留後然諸侯不得祭天子支子不得祭大宗文王武王之  
禮蓋非正祭故國有二廟自漢惠始也神有二主自齊桓始也周  
之三都三廟乃遷國立廟去國載主非二廟二主也明乎此則不  
當復建太廟于南京者誠萬世不易之定論矣

文廟陳設 陝西通志

香

燭

酒

牛

用純黑

羊

豕

鹿

兔

帛 正位用綾餘用絹練白色長一丈八尺

太羹

和羹

黍

稷 以上實于簋

稻

粱 以上實于簋

鹽 藁魚 棗 栗 榛 菱

鹿脯 以上實于籩

菲菹 菁菹 芹菹 笋菹 醯醢 鹿醢

兔醢 魚醢 以上實于豆

樂器數

麾幢 應鼓 鼗鼓 笛

簫 搏拊 祝敔 編磬

編鐘 笙 排簫 琴

瑟 篪 塤

御寶

南京禮部有御寶文移庚辰十二月初十日敕諭朕聞有天下者之有寶所以昭大信示傳承也然中古傳託莫考自漢以來始因傳國璽演而為六唐宋又益以鎮國定命受命諸名啟數愈繁矣我傳國初嘗備用之後復中止朕承序之初因得貞玉協於異夢受命之符遂考古典乃造為大寶以天命明德表正萬方精一執中宇宙永昌為文定名曰凝命神寶以鎮國寶藏因而備造六寶以復近古之制并皇帝恭禮制誥敕命四寶及精一執中御府符二圖託凡十有三皇帝之寶詔敕用之皇帝行寶命將出師用之皇帝信寶徵用兵之天子之寶詔四裔用之天子行寶賜四裔物用之天子信寶徵兵四裔用之奉天之寶郊禮用之恭禮之寶封印香合用之制誥諭誥文用之敕命之寶勅諭敕文用之精一

執中手書用之御府丹符封記符號用之所以備一代之制傳子孫於永久也爾禮部其宣教天下使明知之此史之闕文也雙槐歲抄

中宮寶冊

冊用金二片每片依周尺長一尺二寸濶五寸厚二分五釐鐫刻真書每片側邊上下有竅用紅縹聯貫開闔如今書帙之狀背各用紅錦嵌護藉以紅錦小褥冊蓋以木為之飾以渾金灑粉蟠龍用紅紵絲襯裡內以紅羅銷金小袂裏冊外以紅羅銷金夾袂裏之五色小緋縈於匣外寶用金龜鈕朱綬文用篆書曰皇后之寶依周尺方五寸九分厚一寸七分寶池用金濶取容寶 匣二副每副三重外匣用木飾與冊蓋同中匣用金釵造蟠龍內小匣仍用木與外匣同小匣內置一寶座四角雕蟠龍飾以渾金座上用錦褥褥上置一寶池用銷金紅羅小夾袂裏寶其匣外各用紅羅

銷衣大夾袂覆之會典

大駕鹵簿

肅旗一面 靖旗一面 金鼓旗一對 金龍畫角二十四枝  
鼓四十八面 金四面 金鈺四面 杖鼓四箇 笛四管  
板四串 白澤旗二面 門旗四對 黃旗四十面  
金龍旗十二面 日旗一面 月旗一面 風旗一面  
雲旗一面 雷旗一面 雨旗一面 木星旗一面 火星旗一面  
土星旗一面 金星旗一面 水星旗一面 角宿旗一面 亢宿旗一面  
氐宿旗一面 房宿旗一面 心宿旗一面 尾宿旗一面 箕宿旗一面  
斗宿旗一面 斗宿旗一面 女宿旗一面 虛宿旗一面 危宿旗一面  
室宿旗一面 壁宿旗一面 奎宿旗一面 婁宿旗一面 胃宿旗一面  
昂宿旗一面 畢宿旗一面 觜宿旗一面 參宿旗一面 井宿旗一面

鬼宿旗一面	柳宿旗一面	星宿旗一面	張宿旗一面	翼宿旗一面
軫宿旗一面	北斗旗一面	東嶽旗一面	南嶽旗一面	中嶽旗一面
西嶽旗一面	北嶽旗一面	江旗一面	河旗一面	淮旗一面
濟旗一面	青龍旗一面	白虎旗一面	朱雀旗一面	玄武旗一面
天鹿旗一面	天馬旗一面	鸞旗一面	麟旗一面	熊旗一面
罷旗一面	紅纛一對	皂纛一托	紅節一對	小銅角二箇
大銅角二箇	纓頭一箇	豹尾一箇	弓矢一百副	御杖六十根
誕馬二十四匹	領頭六對	黃麾一對	絳引幡五對	傳教幡五對
告止幡五對	信幡五對	龍頭竿五對	豹尾二對	儀鎗麾十對
戈麾十對	戟麾十對	單戟三對	龍戟三對	班劍三對
吾杖三對	立瓜三對	臥瓜三對	儀刀三對	鎗杖三對
金鉞三對	骨朵三對	羽葆幢五對	青龍幢一托	白虎幢一托

朱雀幢一托	玄武幢一托	響節十二對	金節三對
方天戟十六對	紫方傘四托	紅方傘四托	紅曲柄繡傘四托
紅直柄華蓋繡傘四托	黃曲柄繡傘四托	紅直柄繡傘四托	
青鎖金傘三托	紅銷金傘三托	黃銷金傘三托	白銷金傘三托
黑銷金傘三托	黃油絹銷金雨傘一托	紅繡花扇十二托	
紅繡雉方扇十二托	紅單龍扇一十托	黃單龍扇十托	
紅雙龍扇二十托	黃雙龍扇二十托	紅素扇二十托	
黃素扇二十托	黃羅銷金九龍傘一托	壽扇二托	鳴鞭四條
黃羅曲柄繡九龍一托	金馬杌一箇	金交椅一托	金脚踏一箇
金水盆一箇	金水確一箇	金香爐一箇	金香盒一箇
金唾壺一箇	拂子四托	紅紗燈籠六對	紅油紙燈籠三對
鮫燈三對	仗馬六匹	鍍金銅玲瓏香爐一箇	寶匣一座

硃紅漆馬杓子四箇 鞍籠二 黃帳房一座 大輅一乘  
玉輅一乘 大馬輦一乘 小馬輦一乘 步輦一乘  
大涼步輦一乘 紅板輅一乘

大駕椽欒殿內左右扇三重內雙龍扇二十外素扇二十二又外  
素扇二十殿門左右黃曲蓋繖二次左金交椅一右金脚踏一次  
左金盆一右金罐一此外爲丹陛左右仗三重內雙龍扇二十次  
單龍扇二十外金節六次響節二十六次領頭二又外左朱雀旗  
一右玄武旗一次骨朵六次金鉞六次鎧仗六次臥瓜六次立瓜  
六次儀刀六次吾杖六次班劍六次龍戟六次單戟六次左青龍  
旗一右白虎旗一次領頭二中道左右雙龍扇內紅花繖二次黃  
蓋繖二次紅方繖二單龍扇內設大樂之外此外爲丹墀左右仗  
三重內黃蓋繖二次紅繡繖二次紅花蓋繖二次紅曲蓋繖二次

紅花繖二次紅曲蓋繖二次紅方繖二次紫方繖二次雉扇十次  
紅扇十六外羽葆幢十次豹尾四次龍頭竿十次信幡十次傳教  
幡十次告止幡十次絳引幡十次黃麾二又外戟麾二十次戈麾  
二十儀鎗麾二十凡三重皆有領頭各二中道右黃蓋繖內馬杓  
子雉扇四右爲玉輅輅前爲步輦大輅前爲硃紅輦戟麾外左右  
誕馬二十四仗下左右鳴鞭各二馴象各三 孤樹哀談

侍衛上直官軍

高皇帝初置錦衣衛掌大駕鹵簿凡十司曰鷹輿擊蓋扇手旌節  
幡幢班劍斧鉞戈戟弓矢馴馬之屬隸以校尉力士而復有將軍  
將軍必選有膂力及體貌雄偉者充之其尤者曰大漢將軍去已  
又擇公侯伯都督指揮之嫡次子置勳衛散騎舍人而府軍及旗  
手等共十二衛各有帶刀官永樂中置五軍三千營於是復增設

紅盔將軍明甲將軍及叉刀圍子手之屬俱以宿衛掌領率公侯伯駙馬等官官六員此其大較也而位次陳列以至衣甲器仗之祥各盡其制凡大朝會及大祀誓戒冊封遣祭傳制用全直直三千人餘則更番大朝會者聖節正旦冬至是也是日掌侍衛官二鳳翅盔鎖子甲懸金牌佩繡春刀殿內東西立勳衛次之少後錦衣衛正直指揮一員侍殿內簾右十戶六員朝服侍殿外之右簾捲簾百戶二員捲畢出同十戶立傳鳴鞭百戶四員立殿門外及丹陛上下中極殿導駕錦衣衛將軍執金瓜者

者八人其御座左右錦衣衛將軍執金瓜者六十二人執大刀者二十人神樞營執金瓜者十人弓矢佩刀者十人簾下大漢將軍執大刀斧者四人立殿門將軍其錦衣衛十二人執金瓜其神樞二十人懸弓矢撒下錦衣衛六人扇頭二人殿角及柱各二人俱

執金瓜丹陛將軍共六十人錦衣衛者執金瓜二十人神樞營者執大刀四十人上下纏腰將軍三十四人錦衣衛者執金瓜四人神樞營者執鵝鴛頭刀三十人上下踏凳將軍三十二人錦衣衛者執鐵爪神樞營者弓矢各十六人東西儀廊將軍錦衣神樞各八人共十六人左中右門如之錦衣衛者執金瓜神樞營者弓矢丹墀左右共一千九百七人錦衣衛懸弓矢者八百五十四人其執金瓜者百人執開鞘大刀者十四人神樞營執金瓜及大黑刀者五百五十八人而執出鞘紅刀者三百五十一人其丹墀四隅錦衣衛佩刀將軍作四隊凡二百人其周圍五軍執軍營官軍執叉刀金鏡作四十隊凡二千人皇極門將軍執金瓜者錦衣衛十六人神樞營四人弘政宣治門錦衣衛者執金瓜十六人神樞營者弓矢佩刀八人金水橋弓矢佩腰刀者錦衣衛神樞營各八

人左右品牌執金瓜者神樞將軍四人會樞歸樞二門弓矢腰刀者錦衣將軍各四人而東西城路錦衣將軍亦弓矢腰刀者各二人校尉職鳴鞭及擎扇蓋儀仗者列午門內外其餘執鐵狼牙列御道西共若干人常朝則殺之而所執器仗以至衣服位列亦稍殊焉凡郊祀諸禮駕出錦衣千百戶官三十六人擎爐香前行諸侍衛將軍各扈從至則護齋宮及諸守衛之役其御經筵則大漢將軍分文華殿東西侍凡二十人居常則當直將軍朝夕分候於午門之外夜則司更共百人而五軍又刀官軍悉於皇城直宿大都掌領侍衛官輪直日更一員唯掌錦衣衛將軍及叉刀手者每日侍而尤嚴收補之令及諸脫更離直者皇明兵制考

常開平明器

洪武五年葬開平忠武王常遇春於鍾山給明器九十紉于墓中

其明器鑑二鼓四紅旗拂子各二紅羅蓋鞍籠各一弓一箭三竈鑑大爐各一已上俱以木爲之水罐甲頭盃臺盞杓壺瓶酒甕唾壺香爐各一燭臺二香盒香匙各一香筋瓶茶鍾酒盞各二筋一是一本紀

朝儀

國初設官以品秩爲上下當時朝儀想亦專敘品級不分散要世宗自甲午以後不視常朝遂至無一人記憶穆考登極始復常朝鴻臚搜求故實多所散失以予所見班行其東西分立則勳在兩上東面不與百官齒左班面西侍立一品二品爲第一行三品次之爲第二四品五品京堂次之爲第三宮坊五品六品次之爲第四翰林六品七品次之爲第五兩房中書次之爲第六此爲一段其下則六科爲第一吏部第二中書舍人第三此爲一段其下則



御史第一五部次之自此以下品級官制紊不可紀矣右班面東侍則錦衣在前五都督府次之其後七十二衛指揮等官不惟班次不可知即冠服藍縷往往而是叩頭禮畢則左班內閣右班錦衣俱由玉陛升立金臺左右六科升立甬道左右東西向御史立於甬道左右北向其北面行禮班次則公侯駙馬伯列三班於前去文武階次稍遠其下則文武兩班同上御道左右分立一品二品為第一三品第二四品五品京堂至翰林史官吉士第三科道中書第四其下則六部郎官亦頗紊亂其同班序立翰林七品在小九卿六品之上宮坊六品在小九卿五品之上宮坊五品在大九卿五品之上講讀學士在大九卿四品之上惟讓餘都少詹光學士在餘都之上至於六部郎官往時或敘衙門一吏二禮其下則戶兵等部故有主事立於郎中之上者其後戶部主事賀邦泰

以禮部在其上嘗上疏掌之有詔六部郎中並列員外次之主事又次之以官品為敘久之又稍稍紊矣右班武臣當以都督為先自世廟以來錦衣權重又陸朱諸公皆三公重銜官在都督之上故立於首若與內閣相視者而都督以其貴寵不敢與元故也萬曆戊寅朱太傅已歿掌錦衣者俱都指揮等官相沿舊規仍立前列其後遂有掌議部中以錦衣貴重竟不能持可否仍令錦衣仍前立行稍下都督立其後稍上鳴鞭行禮畢則錦衣升立金臺都督方為首行矣此遷就之方非正禮也筆塵

經筵

經筵進講在文華前殿日講在後穿廊正宇在後殿東閣設一帷次又東一室乃上所游息一日同二三講臣入視見窗下一几几上設少許書籍又一二玉盆盆中養小金魚寸許上所玩弄也西

壁一几几上筆研無甚珍異筆皆市上所買貼筆匠楊彦章名楷皆折簡一如士人所用其樸如此筆塵

萬曆二十八年十一月光廟方為皇長子出閣講學諸講官方叩頭時密視廟袍內止一尋常狐裘講案高僅二尺蓋初出時所御歷七八年不敢奏易進講既畢必奉玉音賜酒飯所賜比常宴最為精腆非時橫賜不與焉此儒者際遇之極榮也 馮燿小品

### 經筵賞賚

孝忠時尤重經筵多有匪頌之賚學士程敏政記其事云弘治元年二月十二日初開經筵賜宴及白金寶鏹十三日文華後殿早進讀尚書孟子及午乃進講大學行義以為常讀畢賜宴講畢賜茶上皆呼先生而不名四月二十八日以後屢賜桃杏郁李蓮房鮮筍青梅枇杷楊梅雪梨鮮藕五月二十九日以後屢賜或題上

林苑監進乾清宮八字或題上林苑海子進乾清宮九字或題司馬苑局進乾清宮茶房上用十一字敏政等具表奏謝且記之以詩有黃封進帶乾清字朱實平分上苑香七月二十日賜冠帶靴袍敏政預賜織金雲雁緋袍一有副金帶一及烏紗帽皂靴 玉堂叢話

### 殿試

乙未殿試讀卷繼山沈公以左司空攝尚書事得與先是甲午元旦沈公在茗溪邸寓夢人語曰玉殿傳金榜君恩與狀頭因以語余不得其解至是公且入朝謂余曰疇昔之夢或因此有驗乎公竟白下朱公蘭岫為狀頭此事竣出朝向余大笑曰竟得狀頭矣

于是贈朱詩有夢裡昔曾占盛事相看殊慰楚夫情之句一時趙張陳沈四相國咸以為奇各有和什 姚叔祥見只編

殿試明日閣臣同掌詹掌翰六部都通大堂上官各一員入東

閣閱卷皆衣緋卯八酉出出不歸第宿於禮部又明日早請上  
詣文華殿不用侍班侍衛等項讀卷官各執卷至文華殿門外  
候上升座傳讀卷官進各官趨至丹陛行叩頭禮入殿內東西  
序立傳讀卷讀卷官居首者至御前跪展朗讀畢司禮監官接  
卷至御案本官叩頭興復班其各讀卷官以次進讀如儀讀三  
卷後候旨再讀幾卷如奉旨免讀各讀卷官即執卷同至御前  
跪司禮監官以次接卷俱置御案各官叩頭興復班傳各官退  
各官出至丹陛行叩頭禮畢即出至文華門外候上將試卷裁  
定御批第一甲第一名第一甲第二名第一甲第三名畢同其  
餘各卷發出內閣官領收上回宮是日各讀卷官先將第二甲  
第一名以下拆卷填寫黃榜又明日傳臚始填一甲姓名讀卷  
官供饌每日三餐每餐鳳雞一隻重五斤煤肉四方方重四斤  
下飯五器京細菓五盤酒三盞饅頭粉飯飯已收送各第併器  
盒置之而去讀卷已復賜宴東閣司禮監官陪宴有菓極盛重  
得士也

狀元冠服

狀元宴花抹金銀牌脚一副 牌上鈹 恩榮宴三字

素銀帶一條 照六品例 烏紗帽一頂 展翅全

黑角帶一條 朝服大紅羅袍一件 大紅羅裙一條

大紅羅蔽膝一條 白絹中單一件 梁冠一頂 簪緋全

玳瑁一副 銅鈎全 錦綬一副 青絲網環全

黑朝帶一條 木笏一片 履靴一雙 檀鞞一雙

殿試酒飯

每卓茶食五碟果子五碟按酒五般點心一碟湯二品飯一分菜

四色酒五鍾進士每名饅頭二箇湯一椀禮部晚宴并早粥用鹿  
一隻猪二口羊三隻鷄十二隻煨猪肉八十斤粉米三斗火熏三  
腿雞彈一百箇豆腐五十連煑粥猪肉五斤油醋各二瓶醬六斤  
鹽十斤細粉五十斤花椒十兩七錢胡椒五兩香茅麻姑各五兩  
香油六斤酒九十瓶會典

進士恩榮宴

弘治三年上卓按酒五般果子五般寶粧茶食五般鳳鴨一隻小  
饅頭一椀小銀錠笑靨二椀棒子骨二塊羊背皮一箇花頭二箇  
湯五品菜四色大饅頭一分添換羊肉一椀酒七鍾上中卓按酒  
果子寶粧茶食各五般鳳鴨一隻小饅頭一椀小銀錠笑靨二椀  
煤魚二椀羊脚子飯二塊花頭二箇湯五品菜四色大饅頭二分  
添換羊肉一椀酒七鍾中卓按酒果子茶食各五般甘露餅一椀  
小饅頭一椀小銀錠笑靨二椀煤魚二椀牛肉飯二塊花頭二箇  
湯三品菜四色大饅頭二分添換羊肉一椀酒七鍾會典

祭祀果品

正統年間凡遇祭祀并筵宴茶飯等項茶食果品俱係織撮天順  
年間始用黏砌加添數倍成化初年有旨裁革弘治中凡遇奉先  
殿并先師祭祀果品俱用二尺盤黏砌每盤高二尺用荔枝圓眼  
一百十斤以上棗柿二百六十斤以上其餘祭祀雖以次遞減然  
所費已不貲矣十七年額准四方災傷頗重宜從減損凡一應祭  
祀除奉先殿并先師孔子用尺四盤其餘俱用舊散撮其大善殿  
漢經等殿大庖廚等處供養果品每歲通計九萬四千九百餘斤  
亦量減湯燻小品

紅黃玉

世宗既改郊壇方丘并朝日夕月壇所用玉爵各因其色詔戶部覓紅黃玉送御用監製造戶部多方購之不獲但得紅黃瑪瑙水精等石以進詔暫克用仍責求玉十年部臣言中國所用玉大段出自西域于闐天方諸國及查節年貢牘唯有漿水玉菜玉並無紅黃二色且諸國俱接陝西邊界宜行彼處撫臣厚價訪購詔可至十五年陝西撫臣上言奉詔求紅黃玉遣人于天方國土魯番撒馬兒罕哈密諸彝中購之皆無產者戶部尚書梁材以狀聞上曰爾等仍多方訪求并行巡撫諸臣設法懸購務求必得以稱朕禮神之意於是原任回回館通事撒文秀言二玉產在尙丹去魯番西南二千里其里兩山對峙自爲雌雄有時自鳴請依宣德時下番事例遣臣齎重貨往購之二玉將必可得部以遣官非常例第責諸撫按督令文秀仍於邊地訪求報可小品

### 白漿水碧玉

嘉靖末年上諭內閣皇祖初製六寶今止存一其五正德甲戌失火之茲西彝有玉可示戶部買盈尺之料補製戶部奉詔索之賈胡得及格者三以進詔姑畱用價於官用銀四支給大學士徐階謂不中格乃下部宣諭西彝携巨材以入當以高價酬之未幾又進綠玉盈尺者三上畱用發價銀七千兩給之然終未愜意仍命購白漿水碧二色玉以進又召戶部尚書高耀諭重價訪購上品未幾官車晏駕穆宗登極未聞有所製造也小品

### 金珠

世宗以大小珠一函及甘黃玉刀鈇一具示耀令求珠玉如式凡兩月上意遲之後諭耀曰金玉珠寶古今常有玉侯制度非不經之用爾職當思自盡無徒遠嫉怨爲避害計祖宗時內藏之積至

弘治年盡矣然非孝宗自用今無一二其多方搜覓并買黃金四千兩進用金價於欽取銀兩內給之耀恩乃以先覓得大小珠四等共一千五百餘粒用價二萬二千五百餘兩買之以進上以未足原旨所取之數且無甘黃玉仍命耀亟加數購進毋緩會宴駕乃止小品

附葬

天啟四年七月附葬懷寧公主于永寧公墳側此亦節省之一端也案順妃及懷冲太子喪禮俱自去年十月起至今將及一載一靈前供養每月共費銀八百餘兩各監業卓及湯飯折銀每月三千餘兩又支粳糯米二百餘石總計一年所費銀四萬餘兩粳糯米二千餘石可謂不貲矣若總算皇子與皇二女之喪更當何如此御史王祚昌有喪禮宜議之請故有是命

鼓鑄

天啟七年正月十三日戶部侍郎張曉恭報年終鼓鑄事據協佐錢法郎中杜汝慈報稱自臣部尚書郭帶署奏繳後收到臨清鈔關解役黑雲龍紅銅八千三百斤鉛五千四百一十七斤黃銅三千八十二斤陳文燦紅銅四千三百八十四斤九江解役夏榮紅銅四萬三千三十斤鉛二萬二千九百六十四斤湖廣解官張臯謨紅銅三萬五千三百四十斤鉛一萬四千六百斤商人盛志買紅銅六千七百六十斤鉛五千一百五斤古錢銅三千五十斤又零紅銅一萬九千九百九十斤鉛一萬五千六百一十六斤黃銅四千七百斤王良保等黃銅一萬五千四百五十二斤傅山等古錢銅一萬八千三百九十五斤於內併舊交下紅黃雜銅鉛發鑄過二十八萬零一斤計值本銀三萬五千六百四兩四分零鑄成

制錢三千一百二十二萬二千二百二十二文除解火工還太倉  
 及散營軍料草家丁布花平鎮十月軍儲抵補銅本無欠外淨得  
 利錢五百一十三萬五千四十三文值銀九千三百三十六兩四  
 錢四分零制錢二百五十萬文及兌冬季解火工每銀一萬兩錢  
 數七百萬文亦有鑄息銀內有樽節金錢五十萬二千五百六十  
 七文值銀九百一十三兩七錢五分零積羨紅銅一百七十七斤  
 鉛五百二十五斤古錢銅一千二百三十二斤黃銅九百五十斤  
 計值銀三百三十七兩五錢零以上共實得利銀一萬零五百八  
 十七兩七錢

鹽課

兩浙運司額課一十四萬五千兩天啟六七兩年無欠崇禎元年  
 分俱已全完長蘆運司額課一十四萬八千四百餘兩例該歷年

案那當作挪

征解天啟七年分俱已全完崇禎元年分預完過一十四萬三千  
 四百三十兩二錢零三東運司額課五萬三千五百五十五兩例  
 該歷年征解天啟七年分全完崇禎元年分預解過二萬七千兩  
 兩淮運司額課六十七萬一千零二十九錢原應當年完解查天  
 啟六年分因那解助工致缺二十九萬五百四兩有奇除補解二  
 萬四千二百八十五兩尚該銀二十六萬六千二百一十九兩零  
 近據巡鹽御史疏題該本部覆准每年帶完一十萬兩姑從帶征  
 外其天啟七年鹽課未完二十萬七千一百一十兩六錢一分崇  
 禎元年分完銀三十八萬七千九百三十四兩六錢以上兩年通  
 該銀六十萬五千四十五兩五錢一分雖奉旨留銀二十萬兩抵  
 作邊商庫價照原限補征其餘四十五萬五千四十五兩二錢一  
 分俱未解到福建運司額課二萬九千四百三十九兩零例應當

年征解據運司王儀申稱崇禎元年十月起解一萬五千兩尚欠一萬四千四百三十九兩廣東提舉司額課二萬一千八百六十三兩五錢六分零原係歷年征解及查崇禎元年應征天啟七年鹽課尚欠一萬二百六十六兩四分相應照例具題分別懲勸崇禎二年戶部尚書畢自嚴疏

上供積欠

光祿寺上供錢糧天啟七年分欠銀五萬五千餘兩邸報

二運積欠

天啟七年七月京民二運積欠二百九十二萬九千石有奇從信錄

給賞

天啟中皇子誕生頒賞費用等項取太倉庫銀二十萬兩太僕寺銀一十五萬兩順天府銀五萬兩零湊給賞

傳造器皿雲臺臧稿

該二料抄出內官監太監陳永壽題為急缺器物家活事奉聖旨云云該本司查得萬曆三十四年十月內該本部題為成造錢糧設處無術事奉聖旨云云案查殊紅灑金彩漆雲龍餞金茶飯膳卓等項器皿自嘉靖二十八年至四十三年始一傳又至萬曆十年而一傳皆以十五六年為率至萬曆十八年再傳二十六年又再傳至三十一年僅五年矣目下新傳則僅九年矣十年已屬破例况未及十年乎萬曆十年傳造二十八萬九千九百二十件該二料銀二十萬一千有奇十八年傳造如前增銀至二十二萬六千有奇二十六年傳造四十萬九千六百四十件增銀至三十一萬七千兩有奇至三十一年則傳造四萬五千八百一十件已估二料銀一十二萬有奇而未估者尚無窮也今新傳造五十七萬



七千四百四十件件數已加數倍增銀又將無算以二十萬且不能支况增至五六十萬乎蒿目焦思束手無策相應酌議具額等因萬曆四十年六月

滇南珍貢

馮魁

昔人云金生麗水今麗江其地也江許沙泥金楚雜之貧民淘而而煨焉永平山中亦有金沙色赤而利更微明初歲貢金二千兩官償價銀一萬一千四百有奇萬曆十八年又增金三千歲共貢五千兩公私益困末年始減二千天啟水烏之亂奉旨暫停銀鑛約有二十三所皆置場委官以徵其課又銅鑛十九所鉛鑛四所萬曆二十年命內監楊榮督理鑛稅榮又使千戶張國臣赴京上疏請開寶井于猛密先是寶石之取盛于成化然止在京購買嘉靖丁亥始遣官至滇歲動布政司及永昌府銀八千散之民間民

鬻男販婦不克所值因而逃亡巡撫陳用賓懇開邊禍連疏陳諫始仍舊例然猶每歲布政司獻寶石六十兩有奇鑛金四百兩鑛銀一萬兩琥珀出猛養山中價不甚昂而蠻漢阻絕商賈難通萬曆二十二年奉旨責輸二百餘斤遍派滇西諸郡時惟騰衝庫內舊貯二十餘勛悉送上供他郡無以應也黔蒼屏石產大理府嘉靖十八九年曾奉取用三年之外始得至京至三十七年取方三尺五寸者六塊四十年又行取五十塊高六七尺不等巡撫蔣宗魯抗疏諫止至萬曆二十一年為兩宮鋪地詔取鳳凰石百餘求之益艱供役者十死八九惟高不過三四尺人猶以為蔣公之力焉右志乘所載皆止行之自上者耳其他長吏之饋遺權要之悉索不可勝計云

砂器

查得陶器燒造地方止有儀真瓜洲河南真定江西五處器物止有瓶罈瓷甕等件並無所謂山西砂器者卷查嘉靖三十九年坐派潞安府砂器五千個四十年坐派一萬五千個萬曆十八年坐派一萬五千個砂器一萬五千併備邊遺共一萬九千五百價值纔一百一十餘兩始也荆筐擔運用夫二百餘名共費銀五百三兩一錢至嘉靖四十年部文用紅櫃裝封銅鎖鑰黃繩扛費銀二百餘兩用夫一千三百名費銀一千八百餘兩打點使用費銀二百五十餘兩共用銀二千三百六十七兩九錢至萬曆十八年部文用淨綿塞壑潞安不出綿花隨於河南差買費銀約二百兩打點使用銀三百五十餘兩共用銀二千八百三十三兩六錢又查得織造地方有浙江等九省織造物料有紗羅絹紵而山西歲派止綾絹各五百疋閏月加八十六疋並無所謂山西潞紵者卷查

萬曆三年坐派山西黃紵二千八百四十匹用銀一萬九千三百三十四兩十年坐派黃紵四千七百三十匹用銀二萬四千六百七十餘兩十五年坐派黃紵二千四百三十匹用銀一萬二千餘兩十八年坐派黃紵五千匹用銀二萬八千六十兩潞州有紵非一年矣皇上卽位以來坐派四次計工費銀八萬三千兩有奇堪停止砂器潞紵疏

稅銀

萬曆二十七年二月分差內臣各省收稅三十三年十一月罷開礦內外官

萬曆二十八年各省稅監高淮等進內庫銀四十五萬一千五百餘兩萬曆二十九年稅監李鳳等進內庫銀七十六萬一千餘兩萬曆三十年各省稅監所進內庫銀三十六萬兩萬曆三十一年各處稅監進金銀于內庫共礦金一百七兩礦銀四千五百兩稅銀一十九萬八千八百餘兩萬曆三十三年各稅監梁永等進內庫

銀一十一萬餘兩萬曆三十四年稅監暨祿等進內庫銀二十萬兩

御用槍

高皇帝御用槍凡二大者幾盈握修可丈六尺疑卽用以步戰者也小者修殺四之一圍殺亦如之疑卽所謂馬稍也除和之閒蓋無日不親御焉武昌而後不復自將矣此槍樹之御座右以示子孫無忘王業艱難文皇帝御用槍槍有號帶在午門之五鳳樓

西洋砲

天啟六年二月命員外孫天化製西洋砲以資防禦三月封西洋砲為安國全軍平遠靖大將軍遣官致祭

崇禎二年禮部右侍郎徐光啟疏云西洋砲之用實自臣始萬曆四十八年臣奉命練兵從廣東香山舉暮到極大者四門天啟元年光祿寺少卿李之藻督造軍需取到次大者二十三門內以十二門解發寧遠天啟六年用之却敵自正月二十四日至二十七日殺賊一萬七千餘人老酋失志數月而死此其明效也即報

宣鑪

宣鑪時磁器及磁埴澄泥盆最為精絕兩宮火藏金流入銅中鎔而為鑪故後世偽造者迥不能及婉古錄

促織盆

宣德時蘇州造促織盆出陸墓俗呼母音鄒莫二家曾見雕縷人物粧彩極工巧又有大秀小秀所造者鄒家二女名尤妙久藏蘇州庫中正德時發出變易戒菴漫筆

銀火鑪

萬曆四年江陵當國將內府所藏寶玩盡取上京中有顛不刺寶

銀一十一萬餘兩萬曆三十四年稅監暨祿等進內庫銀二十萬兩

御用槍

高皇帝御用槍凡二大者幾盈握修可丈六尺疑卽用以步戰者也小者修殺四之一圍殺亦如之疑卽所謂馬箭也除和之閒蓋無日不親御焉武昌而後不復自將矣此槍樹之御座右以示子孫無忘王業艱難文皇帝御用槍槍有號帶在午門之五鳳樓

西洋砲

天啟六年二月命員外孫天化製西洋砲以資防禦三月封西洋砲為安國全軍平遠靖大將軍遣官致祭

崇禎二年禮部右侍郎徐光啟疏云西洋砲之用實自臣始萬曆四十八年臣奉命練兵從廣東香山巖暮到極大者四門天

啟元年光祿寺少卿李之藻督造軍需取到次大者二十三門

內以十二門解發寧遠天啟六年用之却敵自正月二十四日至二十七日殺賊一萬七千餘人老酋失志數月而死此其明效也即報

宣鑪

宣鑪時磁器及蟋蟀澄泥盆最為精絕兩宮火藏金流入銅中鎔而為鑪故後世偽造者迥不能及婉古錄

促織盆

宣德時蘇州造促織盆出陸墓俗呼母音鄒莫二家曾見雕縷人物

粧彩極工巧又有大秀小秀所造者鄒家二女名尤妙久藏蘇州庫中

正德時發出變易戒菴漫筆

銀火鑪

萬曆四年江陵當國將內府所藏寶玩盡取上京中有顛不刺寶

鑲

石一塊重七分老米色又取御器中有銀火罐一件三丈圍圓乃抄沒沈萬三家物金陵鎖事

### 代身金人

萬曆二十二年安南進代身金人範用囚服面縛是年黎惟潭自以恢復放罪視莫登庸有間為立面肅容狀驗閱嫌其僞令改範俯伏焉鑄其背曰安南黎氏世孫黎惟潭不得蒲伏天門恭進代身金人悔罪乞恩二十五字湯義仍得見有詩紀之書影

### 映紅

司禮張太監紀綱霍文炳妻有耳鐙曰映紅價值百千謂宮禁所無也

### 雄黃

安遠侯柳文家有雄黃一塊重五十觔每年五月用金盆架置堂

上過夏乃收沈戒菴說常見云戒菴漫筆

### 賜刀

江陰侯吳良有賜刀一口上有金錯龍鳳文其銘曰百鍊金銅殺氣難當將軍佩此威鎮四方其後人貨於余近里顧山周氏藏之踰百年矣近為常熟楊憲副公儀得去同前

### 天霧盃

成祖白溝河之戰陣亡軍士積骸遍塗上每念之收其頭骨規成數珠分賜內官念佛冀其輪迴又顱骨深大者則以盛淨水供佛名天霧盃皆胡僧之教也今其珠聞內府猶有藏者色類象牙而紅潤過之泳化編

### 金觀音

錢方伯所為御史時抄沒中官王振家產內有金鑄觀音一座背

識云孝孫周忱拜奉蓋文襄公所獻物也此與謝太傅忍飢倦見  
保身不惜小挫耶桓溫事相類宣公明哲

韜重

張江陵柩重歸其錙重凡七十餘艘用夫三千餘名前後十餘里  
不絕

教坊大樂

耕籍田三推畢教坊司承應用大樂擷撥百戲院本採子劬斗隊舞  
拱極

崇禎 年城蘆溝橋名曰拱極

富新

崇禎十六年七月發御史前銀四十萬兩糶穀上倉其倉名曰富新邸  
文塚

文光祿翔鳳墓在西安府椿樹村不封不樹門人題為文塚陝志

五花宮

武宗夏后居五花宮今上陳皇后立夏后乃退居小二宮而讓之  
時御史葉鐘監脩江陰辦事吏王實常隨出入見宮殿皆不甚高  
大中置龍龕朝廷所坐有金交椅又方木墩甚眾閭內官所用乃  
宮人祇候傳班短者以此木立之令齊名接御戒菴漫筆

用筆

朝廷用筆每月十四三十日兩次進御各二十管冬用綾裏管裡  
襯以綿春用紫羅至夏秋用象牙水晶玳瑁等皆內府臨時發出  
製造弘治時吳興筆二造筆進御有細刻小標記云筆匠施尚牛  
孝宗見而鄙其名內侍以小名對教易名曰施文用至今猶然右  
二事吳興筆二張永賢說同前

腳

乾清宮沿石

乾清宮階沿石取西山白玉石為之每間一塊長五丈濶一丈二尺厚二丈五尺鑿為五級以萬人棧之日鑿一井以飲棧夫名曰萬人井 同前

金佛

朝廷每受朝時置一金物於寶座香案上當其前婺源汪玄錫為給事中見而不知問於太監答曰是金佛也殿上頭又置一小真武像皆欲以此收福江西舉人程棟與汪有親面聞其語如此戒菴漫筆

太廟

太廟總一所而中但分龕相隔非七廟之制郊天地合一壇社稷同壇又為屋以覆之其樂辭太宗自製者有殺了他纔快活等語樂器多胡樂皆其所致意者陳魯南學士云同前二部脩太廟梁棟豎立於殿每根頭鑿一竅以滾桐油注之逐水且牢 同前

祭功臣廟

祭功臣廟用饅頭一藏五千四百八十枚江寧上元二縣供麵二十担祭畢送二部匠人作飯 同前

銅掌

武宗在南京儀衛有銅鑄人手掌連臂者或人拳者皆柄長二尺馬上荷之後大白旗有威武二字 全前

傳警

北京皇城四面巡更諸鋪周流傳警每夜四發大鈴從東華門出至後宰門收一一交遞盡七十二枚天明矣 全前

紙護領

宮女衣皆以紙為護領一日一換欲其潔也江西玉山縣貢 全前

軍甲

軍甲之制比甲稍長比披襖減短正德間創自武宗近士大夫有服者今前

棟花舍人

南宮舊制木樨閣時造餅有棟花舍人五百名今前

殺邊樂

武宗皇帝深解音律親製殺邊樂南京教坊司皆相傳習余嘗聞之有笙有笛有鼓歇落吹打聲極洪爽頗類吉利樂今前

不落英

朝廷每年四月初八日賜文武百官午門外吃不落英四月八日中皆崇尚曹御史方湖云不落英是麩食也鎮江醫官張天氏在湖廣蔡王府端午賜食不落英云即今之粽子同前

宮扇

朝廷端午賜京官宮扇竹骨紙面俱畫綉毛絲絲一條五色線編二根許五色艾虎二幅紙方天許俱畫線纏繞在邑湯大理公沐處見今前

雞鳴寺

南京雞鳴寺有金字華嚴經一部沈香觀音大士一尊長二三寸俱遺鎮寺者主僧住持交代則送禮部易封用印不得輒開武宗至南京取去知為太祖所置復歸於寺今前雞鳴寺外石壁一帶嵌石十塊俱刻南無阿彌陀佛云馬皇后幸寺念佛一聲則刻一石同前

海樞嬰

世廟初年勲輔諸臣同游賜畫扇有木刻海樞嬰墜子可寸許完其腹藏象刻物件凡一百件亦天下絕巧也湯隆小品



漆園

南京漆園設百戶二員甲軍一百餘名棧園百戶一員甲軍一百餘名俱三年撥人匠採取不過二百斤桐園百戶二員甲軍二百四十名每年採取得油一百五十觔聖祖豈虛設為此無益之費蓋亦寓兵於農意也今前

閣下

司禮監掌印太監朝廷有大事則遣至閣下議之稱閣老為老師父閣下稱之曰老先生不敢馳閣下角道相傳太宗曾幸閣下立街上顧諸太監曰此處是三先生所居汝輩不可在此行走知制誥居東閣不得與三老同至閣下三老出入知制誥者則出戶拱立候過而退余邑水南張公袞云 戒菴漫筆

幽閑

傳謂男子宮刑婦人幽閑皆不知幽閑之義乃是於牝剔去其筋如制馬豕之類使慈心消滅國初常用此刑耳談

大真人印

洪武二十四年真人張宇奏以前代嘗給正一玄壇傳籙之印授二品銀印止可施於表箋文移而於符籙不便乞便別授遂與龍虎山正一玄壇之印制用六品者也昨會真人府知印云府總四印六品者銅鑄二品銀印則英宗朝因拜表回鑾有驗特鑄以金文為正一副教大真人府之印若道陵傳家者則玉印一枚其文乃陽平治都功印雲篆也陽平治乃弘治開朝廷恐其隨身有失另碾一顆賜之至於累朝所賜或金或銀或牙皆圖書也類編

石龜

南京紫金山即古之鍾山也皇祖陵寢在焉葬之時掘土數尺見

一石龜頸長數寸首足口目皆具今臧於太廟久晴腹下有水則  
而久雨腹下乾燥則晴其異如此同上

玉圖記

洪武初製玉圖記二一賜太子文曰大本堂記一賜中宮文曰厚  
載之記

御史印

洪武十五年初鑄御史印曰繩愆糾繆至二十三年改鑄今文

百戶印

南京各衛所百戶印文皇都北平行取去三分之一迄今有官舞印

奉天殿壁

北京奉天殿兩壁斗拱間皆繪真武神像

禁對襟服

洪武二十六年禁官民人等服對襟衣唯騎士許服

邊牆

成化十三年大同巡撫李敏等奏報大同三路計脩邊牆濠塹墩  
臺共九萬三千七百七十九丈

來青軒

明世祖幸香山稱西山諸峰唯香山獨有翠色定陵御書來青軒  
三字蒼秀有顏魯公家法軒外舊存姜立綱書額踏拖猥俗不可  
耐矣故香山寺記有聖祖稱獨翠神孫紀來青之語

研山齋

退谷亭為孫北海侍郎讀書處家藏古法書名畫及金石遺文最  
多其最雋異者米海岳研山也遠近前後十二峰顧盼生動鐵細  
如嬰兒指大不過數寸峰前右一壺稍長左一池稍狹而圓池

無

壑間界一小石道似欲達中峰者石色正青如靈壁北海珍惜不肯示人余強請觀之如巫山新雨秀潤欲滴而峰巒池壑化工自然殆所謂微塵妙輪不可思議者乎北海名承澤順天人因名所居曰研山

### 碧雲寺

寺創始於太監一名于公祠及魏璫用事大加營造金塗紺飾煇耀雲日後列中貴人墓域重欄複道制度踰通侯計其輦石運木費不下億萬計墓道路碧雲之高頂前一石亭祀于監像然袍笏如新或是魏璫耳山頂正中有魏生壙後以罪僂不果葬寺僧爲余言十數年前存一中官轍貴乃魏昔日門下士也復具衣冠棺槨哭奠而葬之嗟嗟若輩何足道然足以愧我儕之婦跡西州操戈竊屨者

### 貢馬

先朝西域貢馬高九尺餘頸與身等昂舉若鳳今京師人家多存畫本景泰末西域進白馬高如之頸亦類焉後足頸節間有二距毛中隱若鱗甲段九成所記松雪翁所圖六蹄益此類也天順中余復見之御馬監坊道士上但不受羈馭不知其行日幾何也實是萬曆乙亥西域獻千里馬乃天方國所獻時儀部唐君鶴徵主會同館嘗邀余輩數人往觀馬青鬃色耳如竹篾鹿頭鶴頸不甚肥大而神駿權奇意態閒遠步之階墀盤旋如風恨不見其一騁耳筆塵

### 火浣布

火浣布余初於蘇州張延義家及仁和縣純一僧院見者皆大如折二錢近於朱孟瑜縣丞家見者狹長如衣帶清油則可代燭覆火則可契香油盡火熄則完全如故梁冀悅中魏武時所貢元別

怯赤山石

所織信皆不妄 審是怯

象牙

嘉靖三十二年暹羅國遣使貢白象白象牙已斲遺象牙一枝長八寸首尾廂金起花牙首大五寸七分廂石櫛子十顆中廂珍珠十顆寶石四顆尾大二寸廂金剛鑽一顆金盒內貯白象尾毛為証又象牙一十九枝共三百五十斤烏木三十七株共三千六百斤樹香六百斤藤黃四百八十斤大楓子五百八十斤紫檀三百斤速香二十一株共六百五十斤木香三十斤白豆蔻六十斤胡椒八百一十斤蘇木一萬四千二百斤 廣志

交趾上供

永樂二十一年交趾供絹一千七百四十七匹漆三十斤蘇木五千斤翠羽三千箇扇一萬把其供自十四年始每有增損而是年

獨贏云

高麗進奉

洪武十八年高麗國王遣人進馬五千匹金五百斤銀五萬西布五萬匹賜其陪臣金慶等八十七人鈔三百八十二錠

安南官名

安南官名見張輔所上表偽推誠守正翊贊弘化功名雲屯鎮兼歸化等鎮諸軍節度大使洮江管內觀察處置等使持節雲屯歸化嘉興等鎮諸軍事領東路天長等路大都督府特進開府儀同三司入內檢校左相國平章軍國事上柱國賜紫金魚袋衛國大王黎澄太原鎮兼天開鎮節度大使驃騎上將軍梁國王黎灑新安鎮節度大使驃騎上將軍新興郡王黎汪臨安鎮兼太安海鎮驃騎將軍特進開府儀同三司入內右相國平章事賜紫金魚袋

上柱國唐林郡王黎季統望江鎮輔國大將軍八內判中都督河  
陽亞公黎原各領龍興路都統府平陸縣上侯黎子緯鞏局正常  
鄉侯黎叔燾清亭侯黎伯駿石塘鄉侯黎廷燁永祿亭侯黎廷燿  
入內僉聞朝政兼內侍省都知知左班事諒山鎮權僉行軍行諒  
江路同知總管府事賜紫金魚袋柱國東山鄉侯胡杜八內行遣  
同知尚書左司事樞密院副使阮彥光正奉大夫八內行遣門下  
左諫議大夫同中書公事兼三江路太守新安鎮討置使國子學  
祭酒賜紫金魚袋護軍黎景琦寧衛大將軍知威衛營左登翊軍  
兼領壯勇營范六才嘉靖中莫登庸篡弒上將征之其國人供稱  
偽丞相臨國公武護督山西地方守明光興化等處北軍都督中  
國公督京北地方守諒山等處南軍都督鎮國公阮伯驥東軍都  
督麟國公杜世卿分督山南地方守本國世孫攻等處總太監廣  
國公阮立煥督北河府守太原等處中軍大都督端國公楊金鑑  
總太監泰國公阮世恩兵師海國公視朝不拜范嘉謨禮部尚書  
良國公阮時雍

朝鮮使臣

嘉靖辛亥朝鮮使臣任虎臣習儀朝天宮自言為刑曹僉判猶中  
國刑部侍郎也中辛卯進士其國以子午授翰林應奉耀世子說  
書景遷觀察使京兆尹以至今官其左右議政一品六曹判書正  
二品左右僉判從二品觀察使凡八道

御用墨

國朝御用墨有宣廟之龍鳳大定光素大定青填金填大明宣德  
綠等外則國初之查文通龍忠建碧天龍氣水方正牛舌蘇眉陽

臥蠶嘉萬之羅小華道汪中山太極十種香太守四種  
邱墨上自邵格之清丘方于魯青麟隨等其子吳左干立淵  
南羽父子一兩可染今之潘嘉客龍光潘方凱開天吳名望紫金  
吳去塵不可磨未而市品價尤重者始方羅中方程今兩吳也

列朝私紀卷之

永嘉周天錫

登極儀注

禮部為禮儀事該本部啟萬曆四十八年七月二十七日敬奉皇  
太子令諭禮部皇考大行皇帝上賓于哀痛悲號五內摧裂而文  
武羣臣軍民耆老人等以祖宗基業之重皇考遺命之嚴上箋勸  
進至再至三義正詞懇不得已勉從所請茲當祇告天地宗廟社  
稷即皇帝位不禮部其擇日具儀來聞敬遵今將欽天監擇到大  
吉日時并合行儀注開坐謹啟請旨等因萬曆四十八年七月二  
十七日本部署部事右侍郎兼翰林院侍讀學士孫如游等具啟  
二十八日奉令旨是一欽天監擇萬曆四十八年八月初一日午  
時吉一先期司設監等衙門於文華後殿陳設御座仍於文華殿

寶座一先期欽天監設定時鼓一先期尚寶司設寶案於文華殿  
鴻臚寺設案於殿東設表案於丹陛上教坊司設中和韶樂設而  
不作錦衣衛設雲蓋雲盤於殿內東別設雲盤於承天門上設雲  
輿於午門外鴻臚寺設宣讀案於承天門上西南向一是日早遣  
官祇告天地宗廟社稷一是日早大行皇帝几案前設酒果上具  
孝服親詣祇告受命畢即於文華殿前設香案酒果等物上具袞  
冕服行告天地禮隨赴奉先殿詣告祖宗畢仍具袞冕服詣大行  
皇帝几筵前行五拜三叩頭禮畢詣孝端皇后几筵前行五拜三  
叩頭禮畢詣溫肅端靜純懿皇貴妃神主前行四拜禮畢詣文華殿即  
位一是日早鳴鐘鼓錦衣衛設鹵簿大駕上服袞冕御文華殿後  
後文武官員各具朝服入丹墀內伺候鴻臚寺引執事官進至文  
華後殿將行禮之時照舊制傳旨百官免宣表免賀只行五拜三

叩禮傳畢方引執事官就次行禮贊各供事奏請陛殿上由中門  
出陞寶座錦衣衛鳴鞭鴻臚寺贊五拜三叩頭禮訖百官出至承  
天門外俟翰林院官齋詔用寶訖序班隨舉詔案於殿中鴻臚寺  
請頒詔翰林院官捧詔授禮部官受詔書置於案上雲盤內從殿  
左門出鴻臚寺官奏禮畢駕輿詔案至午門外禮部官捧詔置雲  
輿內迎至承天門上開讀行禮如常儀畢詔書迎至禮部頒行天  
下萬曆四十八年七月二十七日禮部署部事右侍郎兼翰林院  
侍讀學士臣孫如游儀制清吏司司署郎中事員外郎臣須之彥  
署員外郎事主事臣張光房

幸學儀注

禮部題為禮儀事先該臣部題請皇上視學行釋奠禮恭候命下  
行欽天監擇吉及會同翰林院具儀上請等因奉旨著照萬曆四

年例行欽此欽遵隨行准欽天監手本擇於天啟四年八月初三日卯時大吉已經覆奉欽依通行各該衙門去後所據合行禮儀臣等會同大學士臣葉 臣韓 臣朱 臣顧 臣朱 臣魏

查照先年節次韻准事例議擬儀注及合行事宜開坐上請伏乞勅下臣部遵奉施行一欽天監選擇天啟四年八月初三日卯時吉一前期致齋一日國子監洒掃廟堂內外太常寺預備祭儀祭帛設大成樂器於廟堂上列樂舞生於階下之東西司設監同錦衣衛設御幄於大成門之東上南向司設御座於彝倫堂正中鴻臚寺設經案於堂內之左設講案於堂內西南隅至日置經案於祿寺設連坐於左右一午門外錦衣衛設鹵簿大駕教坊司設大樂一是日早免朝百官具吉服先詣國子監廟門迤東北面迎駕分奠陪祀武官都督以上文官三品以上及翰林院七品以上官

身四

具祭服在廟墀東西相向序立伺候行禮應在啟聖祠者在啟聖祠伺候行禮一駕從長安左門出鹵簿大樂以次前導樂設而不作太常寺先陳設祭品於各神位前設帛設酒樽爵如常儀司設監設上拜位於先師神位前正中祭酒司業吉服率學官諸生於成賢街左跪迎駕至櫺星門外降輦禮部官吉服導上入御幄坐定禮部官奏請具服上具皮弁服訖禮部官奏請行禮上出太常官導上繇大成門中道入盥洗詣先師廟中陞上典儀唱樂舞生就位執事官各司其事執事官各先斟酒於爵導上至內拜位贊就位分奠陪祀官亦各就位分奠官列於陪祀官之前贊迎神樂作樂止贊上鞠躬拜興平分通贊分奠陪祀官行禮同拜畢分奠西配十哲官各詣殿東西階下分奠兩廡官各詣兩廡前俱北向立贊行釋奠禮樂作太常卿跪進帛於上右贊指圭上指圭立受



奠

帛獻畢授太常寺卿奠於神位前少卿跪進爵於上右上立受爵獻畢授少卿奠於神位前贊出圭上出圭分奠官以次詣神位前奠爵訖各以次速退就原拜位樂止贊送神樂作贊上鞠躬拜興拜興平身通贊分尊陪祀官行禮同太常寺卿詣先師神位前啟帛由香案左捧出中門贊禮畢內贊導上出廟門樂止太常寺卿導上由中道出分奠陪祀官各退易吉服上至御幄更翼善冠黃袍訖禮部官入奏請幸彙倫堂上出禮部鴻臚寺官導上出樞星門外陛輿從太學門入諸生先分列於堂下東西相向司業官分列於諸生之前駕至俱跪俟駕過乃起照前序立北向分奠陪祀官及百官亦先分列堂外露臺稍上左右侍立上至彙倫堂陛座隨班百官一拜三叩頭禮畢鴻臚寺堂上官傳祭酒以下及諸生排班鳴贊贊排班班齊贊鞠躬五拜三叩頭禮畢武官都督以上

文官三品以上及翰林院學士陛堂序立執事官各以次序立內贊贊進講祭酒從東階陛由東小門入至堂中北向立鴻臚寺堂上官招呼起案執事官舉經案於御座稍前禮部尚書跪奏請授經於講官起身一躬內贊贊講官跪祭酒跪禮部尚書以經立授祭酒祭酒受經起身一躬置於講案復至堂中北向立內贊贊鞠躬一拜叩頭興平身上諭講官坐鴻臚寺官同祭酒跪承旨待鴻臚寺堂上官起身一躬內贊贊叩頭祭酒叩頭起身一躬就講案邊立上諭官人每坐鴻臚寺官同百官跪承旨同起身一躬贊入班武官都督以上文官三品以上及翰林院學士皆入班序立內贊贊鞠躬一拜叩頭興平身分班序坐祭酒乃坐講其餘官及諸生拱立於外以聽祭酒講畢以經祭酒講畢以經復至堂中跪各侍坐官起立禮部尚書立接經置於經案一躬內贊贊叩頭祭酒

一躬內贊叩頭司  
業叩頭起身一躬就  
講案單各侍官  
以上補第五行起  
身下

叩頭訖退出堂外就本位立司業從西階陞由西小門入至堂中  
北向立禮部尚書跪奏請授經於講官起身一躬內贊講官跪司  
業跪禮部尚書以經立授司業司業受經起身一躬置於講案復  
至堂中北向立內贊贊鞠躬一拜叩頭興平身上諭官坐鴻臚寺  
同司業跪承旨待鴻臚寺堂上官起身同坐講畢以經復至堂中  
跪各侍坐起立禮部尚書立接經置於經案一躬內贊贊叩頭司  
業叩頭訖退出堂外就本位立鴻臚寺堂上官招呼起案執事官  
舉經案於原處置定鴻臚寺堂上官跪奏傳制傳制官稱有制鳴  
贊贊跪祭酒司業學官習禮公侯伯諸生跪聽宣諭宣畢贊俯伏  
興鞠躬五拜叩頭禮畢祭酒司業學官諸生以次退先後東西角  
門出列於成賢街右伺候尚臚監進茶御前上諭官人每吃茶鴻  
臚寺光祿寺官同承旨起身一躬光祿寺分送各官茶各官復坐

飲茶畢出分列於堂外露臺上鴻臚寺贊入班鞠躬一拜叩頭興  
平身分班侍立鴻臚寺堂上官跪奏禮畢上興陞輿出太學門陞  
輦南簿大駕大樂振作前導祭酒司業學官及諸生同駕至跪叩  
頭退百官先詣承天門外南伺候駕還南簿大樂止於午門外初  
四日文武百官行慶賀禮襲封衍聖公率四氏子孫祭酒司業率  
學官諸生各上表謝恩天啟四年五月二十八日本部具題六月  
奉聖旨是欽此

太子少保禮部尚書兼翰林院學士臣林堯俞

左侍郎兼翰林院侍讀學士臣南師仲

儀制清吏司郎中臣周應期

主事臣劉應賓

莫儼臯

陵軍

長陵神宮監軍士一百三十七名巡山軍四十二名巡邏軍七十  
七名夜不收軍七十七名黃土軍四十三名行宮軍十六名天橋  
軍十三名 攻軍二十名本戶軍一名獻陵神宮監軍一百十二  
名巡山軍一百二十九名巡邏軍四十六名夜不收軍十九名黃  
土軍七十八名行宮軍二十四名天橋軍十七名御馬監軍一名  
景陵神宮監軍一百十一名巡山軍一百五十八名巡邏軍四十  
五名夜不收軍五十二名黃土軍六十六名行宮軍十名天橋軍  
十一名本戶軍一名裕陵神宮監軍一百十一名巡山軍一百四  
十三名巡邏軍四十五名夜不收軍一十四名黃土軍四十一名  
行宮軍二十一名天橋軍一十四名茂陵神宮監軍一百一十一  
名巡山軍二十一名巡邏軍四十四名夜不收軍三十五名黃土

軍三十五名行宮軍三名天橋軍三名御女軍一名康陵神宮軍  
一百一十二名巡山軍六十二名巡邏軍五十五名夜不收軍三  
十五名黃土軍三十一名行宮軍一十三名天橋軍一十名御馬  
監軍一名永陵神宮監軍一百十二名巡山軍九十八名巡邏軍  
四十四名掉隊軍一百名夜不收軍四十名行宮軍五十四名黃  
土軍七十名天橋軍一十四名昭陵神宮監軍一百一十一名行  
宮軍一百一十二名巡山軍九十九名巡邏軍九十九名黃土軍  
二百九十名夜不收軍一百名朝房看料軍四十名李貴妃墳軍  
士二百名金錢山軍三百名御女軍一名定陵奉旨暫撥營軍看  
守軍士六百名隨陵軍挾賞領訖又天壽山守備下城操軍九百  
四十五名并九衛軍士二百六十名俱係九衛額軍亦隨陵軍挾  
賞領訖以上共軍六千二百零四名挾賞過銀一萬二千四百零

八兩右見天啟元年二月昌陵道項良梓揭

戶帖戒卷漫筆

戶部洪武三年十一月二十六日欽奉聖旨說與戶部官知道如今天下太平了也止是戶口不明白俚教中書省置下天下戶口的勘合文簿戶帖你每戶部家出榜去教那有司官將他所管的應有百姓都教入官附名字寫着他家人口多少寫得真着與那百姓一箇戶帖上用半印勘合都取來勘了我這大軍如今不出征了都教去各州縣裡下着遠地去點比勘合比着的便是好百姓比不着的便拏來做軍比到其間有司官吏隱瞞了的將那有司官吏處斬百姓每自躲避了的依律要了罪過拏來做軍欽此除欽遵外今給半印勘合戶帖付本戶收執者

一戶某 府 州 縣 鄉 都 保 附 籍

戶計家 口

男子 口 成了 不成丁

婦女 口 小

事產 基田 瓦草屋

右戶帖付某 收執准此

洪武三年十一月 日

江陰李詔曰此帖人罕得見矣余從一處覓來錄之以備典故

周圍梅花欄大不滿二尺號數處用部印合同半鈐年月日下

空處用全印後有一大部印下花押直連者三又橫並者無官

吏職銜姓名背後沿邊縣刊一小章長腔宕印于其上首行云

江陰縣提調官下分注知縣錢文德縣丞傅學第二行司吏糜

宗文第三行典史朱貫道每人皆有花押末行洪武三年十一

日縣印向不在年月處今制科場有提調官名府縣考試  
官亦稱提調餘無稱者並不及之佐貳案此則以提調為通  
稱矣

### 馬價

太僕寺馬價隆慶年間積一千餘萬萬曆年間節次兵餉借去九  
百五十三萬又大禮大婚光祿寺借去三十八萬而零星宴賞之  
借不與焉至四十二年老庫僅存八萬兩每年歲八九十八萬餘  
兩隨收隨放支各邊年例之用尚不足且有邊功不時之賞其空  
虛乃爾真可寒心海幢小品

### 供應

弘治中光祿寺卿胡恭奏本寺供應繁瑣費出無乾經明門貓十二  
隻支猪肉四斤七兩肝一副刺青五個日支猪肉十斤羊二百四  
十六隻日支菜豆二石四斗三升黃豆三升二合西華門狗五十  
三隻御馬監狗二百十二隻日共支猪肉并皮骨三十四斤虎三  
隻日支羊肉十八斤狐狸三隻日支羊肉六斤文豹一隻日支羊  
肉三斤豹房土豹七隻日支羊肉十四斤西華門等處鴿子房日  
支菜豆粟穀等項料食十石一日所用如此若以一年計之共用  
猪羊肉并皮骨三萬五千九百餘斤肝三百六十副菜豆粟穀等  
項四千四百八十餘石有旨御馬監二異狗并羣狗七十隻俱令  
退出反食牲口房雜雞八十二隻鵝四十一隻鴨九十六隻花猪  
二十一口俱送光祿寺供應餘仍舊案考廟時最無鳥獸耳目之  
玩而所費如此他可推矣司牲所養羊三百六十餘隻每隻黑豆  
八合草一觔牧羊軍一百二十名官吏二名五年內支過黑豆二  
千八百餘石每石價四錢二分該銀一千五百餘兩米八千八百

餘石布花銀七百餘兩支數如此費十而用不得一光祿卿趙錦奏免小品

巾帽局

正德十六年工部奏巾帽局缺內侍巾帽靴鞋合用紵絲紗羅皮張等料成化間二十餘萬弘治間至三十萬餘正德八九年間至四十六萬末年至七十二萬孤樹哀談

輿地

本朝輿地東起朝鮮西至嘉峪濱海北連沙漠南北直隸府二十二州四十縣二百一十承宣布政司十三屬府一百一十八羈縻一十九州一百五十三羈縻四十七縣九百二十八羈縻六總為一百五十九州二百三十四縣一千二百一十四宣撫司二十二招討司一百長官司一百六十九蠻彝長官司五除彝戶外實計

里六萬九千五百五十二戶九百三十五萬二千零一十五口五千八百五十五萬八千零一夏秋二稅共米麥二千六百零八萬五千九百一十六石京通二倉臨德淮漕四倉每年漕運米四百萬石絹二十萬五千五百九十八匹絲一萬七千零三斤又三百三十六萬八千一十七兩棉花二十四萬六千五百六十二斤棉布一十三萬八百七十七匹麻布二十七萬七千七百七十七匹洞蠻席布二百五十九條苧六十五斤鈔八萬一千二十五錠零一百八十四貫馬草一千四百六十九萬五千九百九十一包又一千一百一十六萬二千六百四十三斤歲辦鹽一百一十七萬六千五百二十五引又鹽價并引價銀四萬六千一百五十八兩太倉庫歲額運銀一百四十九萬兩內夏稅五萬五百餘兩秋稅糧九十四萬四千八百餘兩馬草折銀二十三萬七千餘兩鹽課折銀二十餘萬兩

雲南開辦三萬餘兩馬驛驢匹二十萬一千一百

### 歲徵

正統以前天下歲徵稅銀凡三千六百三十二萬一千餘石內三  
二十萬九千石折銀八十一萬四千餘兩戶口商稅除折米外并  
船料鈔折銀可得四十三萬九千餘兩兩淮鹽場鹽課銀稅木下  
數萬千兩各處稅糧折徵共一百三萬餘兩雲南開辦三萬餘兩  
各鈔關船糧四萬餘兩馬草折徵二十三萬餘兩鹽課折徵二十  
餘萬兩每年入數共二百四十三萬兩送內庫預備成造等項十  
餘萬兩或二十萬兩官軍俸銀三十三萬餘兩官軍折俸三十三  
萬六千五百餘兩宣府大同遼東陝西年例共四十萬兩若有聲  
息緊急奏討加添四五十萬或二三十萬聖旦千秋等節用三十  
九萬一千八百餘兩西親王王妃公主及上用及天下王府銀盆

水罐儀仗等用共十三萬七千五百餘兩每年出數共二百餘萬  
兩震澤長語

### 歲辦

大明會典載各處歲辦野味共一萬四千二百五十隻至弘治中  
歲辦一萬四千五百一十四隻又活鹿二百六十七隻活天鴛三  
百二十隻各處歲辦雜皮二十一萬二千張弘治中歲辦二十四  
萬七百六十一張各處歲辦翎毛一千三百五十五萬六千根至  
弘治中歲辦二千二百七十六萬六千五百五十根諸貢視昔已  
增矣王圻通考

### 木料

南京御史王萬祚奏言御用監咨部備辦門殿陳設等木料姑舉  
其單中一二言之如三十斤之白檀香三百七十株丈餘之花梨

木二百二十株丈餘之紫檀木一百二十株徑尺之烏木二百二十株二丈徑二尺之鐵梨長五丈一百二十株之川楠六十五萬之貼金諸如此類皆海外嶺南之產樣式甚大不比尋常云云法傳

丙庫

國初於皇城内設承運庫以收段疋金銀纓玉象牙等丙府天財庫以收錢鈔并各衙門鎖鑰丙府供用庫以收白熟粳糯米等廣積庫以收紵絲綾羅疋黃焰硝等甲字庫以收布疋并各色顏料乙字庫以收紵絲綿布疋襖衫鞋毛襖狐帽等丙字庫以收棉花絲綿等丁字庫以收銅鐵皮張蘇木等戊字庫以收軍器胡椒等承運庫以收潤生絹翠皮毛等賦罰庫以收錢鈔紵絲綾羅絹縐繒鐵刀綿布衣服花絨等廣惠庫以收鈔錢等廣盈庫以收紵絲紗羅綾網絹布疋等皆謂之丙庫

戊

光祿寺

光祿一頂歲額二十四萬兩上供每月不過千金中宮之膳每月不過三百餘金獨內監食卓一歲費銀三萬餘兩未至一萬餘石此外虛冒又不可紀極

太僕寺

共伍萬貳仟壹佰字



萬曆五年府庫充溢太僕寺積金四百餘萬法傳

茶馬司

洪武初於陝西洮州河州西寧各設茶馬司製金牌四十一上曰皇帝聖旨左曰合當差發右曰不信者斬上號臧丙府下號降各番三年一差官齎往對驗以茶易馬上馬八十斤中馬六十斤私茶出境犯人與把關頭目俱各凌遲處死雙槐歲抄

國初金牌之設原為各番茶馬也洪武年開欽降金牌數目各



衛典籍磨滅多無的處查得河州地方原設必里衛州七站  
西番二十九族原額金牌二十一面認納差發馬七十百五  
匹西寧衛地方曲先阿端軍東安定四衛已哇申冲申藏等族  
金牌一十六面該納差發馬三千二百九十六匹洮江衛地方  
大把哈藏思曩日等族金牌四面該納差發馬三千五十匹上  
號在於內府收貯每三年一次欽遣近臣齎捧前來公同鎮守  
三司等官統領官軍深入番境劄營調聚番人比對金牌字號  
收納差發馬匹給與價茶如有拖欠之數次年前去催取楊文襄  
奏議

國用

隆慶元年十二月戶部尚書馬森奏太倉見存銀一百三十五萬  
四十六百五十二兩歲支官軍俸糧該銀一百三十五萬有奇邊  
儲二百三十六萬有奇補發年例一百八十二萬有奇通計所出

頒銀五百五十三萬有奇以今數抵算僅足三月京倉見存糧六  
百七十八萬三千一百五十一石歲支官軍月糧二百六十二萬  
一千五百餘石遇閏又加二十二萬餘石以今數抵算僅足二年  
請崇儉約萬曆二十八年八月工科王德完疏畧曰國家歲入僅  
四百萬而歲出輒至四百五十萬有奇居恒無事已稱出浮於入  
年來意外之警不時之需皆因事旋加舊額如寧夏用兵甫數月  
約費餉銀一百八十七萬八千餘兩朝鮮用兵首尾七年約費餉  
銀五百八十三萬二千餘兩又地畝米豆援兵等餉銀費三百餘  
萬兩兩平播之師未及暮年約費銀一百二十一萬六千餘兩連  
川中湊辦共約二百餘萬兩婚禮珠寶等項約估銀九百三十四  
萬三千餘兩婚禮傳造袍服四萬一千餘匹約工料銀一百萬四  
千餘兩陝西路紬續織四千七百餘匹婚禮傳買段一萬二千七

百餘匹共約費銀十萬餘兩磁器節傳二十三萬五千件約費銀二十餘萬兩挑三仙口趙家園等處約費銀二十四餘兩而省直災傷欠段價料銀一百二十四萬五千餘兩又欠廚料銀九萬六千餘兩積而算之亦既二千六百餘萬矣當帑空之時而講濟虛之策唯有節省二字最為緊要王沂續通考

### 九邊坐派錢糧

九邊坐派錢糧舊有定數大約宣府八十三萬餘兩大同十七萬餘兩遼東三十八萬餘兩延綏二十八萬餘兩寧夏二十二萬餘兩甘肅三十八萬餘兩六邊共計三百七萬有奇俱小陝河南山東北直並本鎮屯田糧草解約已而歲用不敷每年議發年例并開派兩淮山東兩浙長蘆引鹽宣府一十九萬餘兩遼東二十萬兩延綏九萬兩寧夏十六萬餘兩六邊共計九十一萬此其

大略也于穀山筆塵宣府京運原額年例銀二十九萬九千一百餘兩民運銀七十八萬七千二百餘兩大同京運原額年例銀四十五萬六千三百餘兩民運銀六十七萬一千七百餘兩登鎮新增水陸官兵部議額派新餉銀二十七萬兩并舊遼鎮銀一十三萬兩共四十萬兩克登萊兩青三府新募兵餉巡撫袁可立疏天啟元年閏二月倪應春疏遼餉歲用折色三百六十萬本色二百餘萬又軍興以來部發銀一千一百一十八萬七千六百四十四有奇天啟三年毛文龍疏自東事孔亟海內加派新餉每歲四百萬兩又遼餉舊額每歲一百萬兩天啟六年三月陸文獻疏東西猖獗以來遼事三方特角費金錢六七百萬兩而黔事三省會師亦歲費金錢二百餘萬兩昭代紀畧自洪武永樂弘治初年沿邊乘障之士四十餘萬經費自屯田民運外歲費京運銀四十三萬兩開遇各鎮兵荒邊腹糧餉不足則開中鹽引名曰飛較歲開

行馬弘治以來因原設鎮薊州山西繼之密雲昌平易州永平以  
次列鎮各屯重兵經費歲增一歲不啻十倍近東事煩擾更有不  
不可言者矣

### 鈔關

國初止有商稅未嘗有船鈔至宣德開始設鈔關凡七所若臨清  
杭州兼權商稅其所權本色錢鈔則歸內庫以備賞賜折色銀兩  
則歸太倉以備邊儲每歲或折輪收或折色居七分之三其收鈔  
有輕重差官有專攝亦有設而復罷者河西務鈔一百一十九萬  
餘貫船鋪牙行稅銀約四十兩商稅正餘銀四十餘兩條船二稅  
銀一萬四千九百餘兩臨清本色鈔一千二百六十萬餘貫錢二  
千五百二十萬餘文折色船料商稅正餘銀八萬三千八百餘兩  
許驛本色鈔五百八十二萬餘貫錢一千一百七十三萬餘文折  
色船料正餘銀三萬九千九百餘兩九江本色鈔二百九十三萬

餘貫錢六百十九萬

餘文折色船料正餘銀一萬五千餘兩淮安本色鈔三百萬餘貫  
錢六百萬餘折色船料正餘銀二萬二千七百餘兩揚州本色鈔  
一百六十九萬餘貫錢三百三十八萬餘文折色船料正餘銀一  
萬二千九百餘兩杭州本色鈔一百九十萬餘貫錢三百八十一  
萬餘文折色船料正餘銀三萬六千八百餘兩

### 稅課

萬曆六年順天九門并都稅等司門攤課鈔六十六萬五千一百  
二十貫銅錢二百四十三萬二千八百五十五文崇文門張家灣宣  
課分司商稅約銀共二萬二千八百二十兩有奇銅錢二千一百  
七十六萬五千文有奇條稅約銀一萬六千一百五十五兩有奇船  
稅銀四千五百三十七兩七錢通州鹽牙稅銀五百五十五兩直  
隸七府稅課等鈔共六十三萬二千一百四十六貫九百五十八

文應天府商稅門攤等課鈔共三百三十萬六千三百八十二貫  
六百一十七文餘鈔九百六十三萬九千三百五十餘貫江東瓜  
埠巡檢司龍江石灰山大勝三關船料鈔共六十二萬五千一百  
三十二貫南京五城兵馬司房鈔一百六十一萬八千四百三十  
八貫八百文直隸府州縣稅課等鈔七百八萬八千三百三十四  
貫有奇銅錢五十三萬九千有奇浙江稅課鈔三百萬五千二百  
三十九貫有奇江西商稅銀二千二百九十五兩有零湖廣稅課  
鈔五十五萬七千九百一十四貫有奇山東稅課折銀八千八百  
六十一兩有奇河南稅課鈔二百三萬四千一百二貫有奇福建  
稅課等鈔二十六萬七千三百三十六錠五貫有奇陝西稅課鈔  
一百七十二萬一千六百六貫有奇小麥二千四百九十三石四  
斗課銀四兩六錢五分六厘山西稅課鈔四十四萬七千六十四  
貫有奇廣東南雄府太平橋每歲南北抽盤商稅鐵課等銀四萬  
三千餘兩四川稅課等鈔五十四萬四千七百六十四兩零米麥  
九百四十四石零海池五千七百六十九索貴州稅課鈔一十四  
萬八千三百六十三貫有奇廣西稅課鈔八萬七千九百三十三貫有  
奇

鹽額

兩淮洪武間歲辦鹽三十五萬二千五百七十六引一百斤零萬  
曆六年歲辦小引鹽七十萬五千一百八十八引內常股鹽四十九  
萬三千六百二十引存積鹽二十一萬一千五百五十四引歲解  
太倉餘鹽銀六十萬兩兩浙洪武間歲辦鹽二十二萬四百五十  
七引零萬曆六年歲辦小引鹽四十四萬四千七百六十九引一  
百四十九斤內常股三十一萬一千三百三十八引一百六十四

斤六兩二錢存積一十三萬三千四百三十一引一百八十四斤一  
十一兩八錢太倉銀一十四萬兩河間長蘆洪武開歲辦鹽六萬  
三千一百五十三引零萬曆六年歲辦小引鹽六十二萬引內常  
股二十九萬四千引存積十二萬六千引解太倉銀四千九十五  
兩宣府鎮七萬六千七百七十八兩代府祿糧銀四萬三千一百  
十三兩山西抵民糧銀七萬四千二百五十九兩山東洪武開歲  
辦鹽一十四萬三千八百七十七引一百五十斤零萬曆六年歲辦小  
引鹽九萬六千一百一十九斤五兩九錢內常股鹽八萬六  
千一百一十引一十九斤五兩零存積鹽一萬引太倉餘鹽銀五  
萬兩福建洪武開歲辦鹽一十萬四千五百七十二引三百斤零  
萬曆六年歲辦大引鹽一十萬四千三百四十四引二百六十四斤  
歲解太倉銀二萬二千二百兩一錢泉州軍餉銀二千三百四十

四兩二錢河東洪武開歲辦鹽六十八萬斤萬曆六年歲辦小  
引鹽六十二萬引歲解太倉銀四千三百九十五兩九錢宣府鎮  
銀七萬六千七百七十八兩五錢六分大同代府祿糧銀四萬三  
千一百一十三兩山西布政司抵補民糧銀七萬四千二百五十  
九兩陝西洪武開歲辦西和縣鹽一十三萬一千五百三十斤零  
漳縣歲辦鹽五十一萬五千六百七十零靈州歲辦鹽二百八十  
六萬七千四百七斤萬曆六年歲辦鹽一千二百五十三萬七十  
六百六十八斤歲解寧夏鎮年例銀一萬三千二百四十二兩延  
綏鎮年例一萬三千七百一十四兩二錢四分周原鎮客兵銀二  
千五十五十九兩周原軍民犒賞銀七千一百二十兩四錢四分  
廣東洪武開歲辦廣東鹽場一十四處歲辦鹽四萬六千八百五  
五十五引一百斤零海北鹽場一十五處歲辦鹽二萬七千四十

引二百斤零萬曆六年歲辦廣東小引生鹽三萬二百二十九引  
小引熟鹽三萬四千六百一引海北小引正耗鹽一萬二千四百  
八十六引歲解太倉銀一萬一千一百七十八兩存留本處備用  
銀四千七百九十兩九錢四分四川洪武間歲辦鹽共一千十二  
萬七千四百四十斤萬曆六年歲辦鹽九百八十六萬一千一百  
四十斤歲解陝西鎮鹽課銀七萬一千四百六十四兩雲南萬曆  
六年歲辦鹽一百八十二萬七千八百七十七斤五井提舉司綿  
布每段折銀四分五厘歲解太倉鹽課銀三萬五千五百四十七  
兩三錢七分遇閏該銀三萬八千五百二十八兩九錢七分

### 糟糧

國初俱民運淮徐臨德四倉軍船接運入京通二倉名爲支運永  
樂末始令民運起淮安瓜州補給脚價免與軍船頭領運名爲免

後免運漸增又令軍船各回附近水次領免民加與過江脚價視  
遠近爲差成化十一等年改四倉米七十萬石令各軍徑赴水次  
領免其免運中又分支運米與天津薊州密雲昌平其正額外又  
有預備米貯於臨德二倉歲運米四百萬石北糧七十五萬五千  
六百石南糧三百二十四萬四千四百石內免運三百三十萬石  
改免七十萬石除例折外每年實運正耗糧五百一十八萬九  
十七百石

### 田賦

國初田賦總數十二布政司并直隸府州縣共田八百四十九萬  
六千五百二十三頃畝零夏稅米麥四百七十一萬二千九百石  
錢鈔三萬九千八百錠絹二十八萬八千四百八十七匹秋糧米  
二十四百七十三萬四百五十石錢鈔五千七百三十錠絹五十

九區弘治十五年總數十三布政司并直隸府州實在田土總計  
四百二十二萬八千五百八十八頃九十二畝零嘉靖二十一年兩直  
隸及十三省田數總計四百三十六萬五千六百六十二頃六十畝  
九分萬曆六年閣臣張居正因臺臣疏奏請通丈十三布政司並  
直隸府州田土限至十年丈完共總計實在田七百一萬三千九  
百七十六頃二十八畝零

### 宗祿

嘉靖四十一年御史林潤上言天下財賦歲供京師米四百萬石  
而各藩祿米至八百五十三萬石山西河南存焉米二百三十六  
萬三千石而宗室祿米至五百四萬石即無災傷蠲免歲輸亦不  
足供宗祿之半年復一年愈加蕃衍將何以支乞救廷臣公議觀  
勢會通以垂萬世之利

### 水衡告匱疏

工部尚書周 等為水衡萬分告匱計部屢借難支謹將庫貯  
及應用數開款具題以明匱竭以完借局事

### 計開

一各省額額該四司料價等銀共八十七萬八千七百九十兩零  
內除織造等項預留二十四萬六千餘兩該解銀六十三萬二  
千七百九十餘兩自三十五年起至四十七年止共拖欠銀一  
百七十七萬五千四百餘兩計十三年每年計欠十三萬六千  
五百餘兩實解不過五十萬兩

一節慎庫實在四司銀二十餘萬兩

### 營繕司應出年例錢糧數目

一內官監成造脩理皇極等殿家伙該折銀一萬一千九百七十

九兩八錢一分

一內官監裝卸龍山燈架銀六百兩

一內官監苦荬禁苑竹棚該工料銀五百九十六兩四錢

一內官監成造細草紙銀三百兩

一司設監修理竹簾壇簾共用銀二百餘兩

一神官監修理社稷壇共用銀二十九兩二錢

一錦衣衛成造鳴鞭等件銀一百二十八兩六錢七分

一每年春季分關領各項工食共銀一百七十兩八錢二分

一每年一次本部并各衙門紙劄筆炭工食等項共銀二百九十

九兩四錢四分四厘四毫

一每年四季本部并各衙門折送匠價工食等項共銀八百六十

四兩五錢八分

一每年成造司法刑銀共銀十三兩二分

一各二監督并管工太監每年約用紙札銀六百餘兩

一臨清廠燒造磚價據通惠河關送砧類題請每年二次約一萬

四五千兩不等又水脚銀約五六千兩不等

一司禮監金箔折價銀五百兩

一司禮監修理經廠工料價銀四百九十六兩七錢五分

一都水司付取酒糟銀五百餘兩

以上共銀四萬一千三百九十五兩零

額外錢糧數目

一城工截給銀約二萬兩

一神木山臺三廠鋪營夫匠應給實收銀三萬餘兩

一浙直木商該找價實收銀二萬二千餘兩



一營房等工實收銀約一萬餘兩

一翰林院藏修工價銀約二千餘兩

一文廟國子監修理銀約五百餘兩

以上共銀八萬四千五百餘兩其餘小修實收到部出領未支約萬餘兩又欽天監太常寺等衙門呈請修理及王府倉廩等項以時絀俱未舉行

虞衡司應出年例錢糧數目

一預備九邊硝磺額派二百萬斤該價銀六萬餘兩

一十六門硝磺一百五十八萬九千斤該銀四萬餘兩

一修理三十年三十一二年京營兌換盔甲腰刀每年三萬頂副

把該二料銀六萬餘兩

一預造盔甲五千頂副把該二料銀一萬四千餘兩

一龍漚紙共該銀二萬千三百餘兩零

一修理京營兌換鎗砲共該二料銀五千餘兩

一四十八年京營年例硝磺該銀六千餘兩

一廣積庫工價銀一萬餘兩

一兵仗局水和炭銀九百七十五兩

一兵仗局神器找給銀一萬五十兩

一寶鈔司年例銀一十四百六兩四錢

一酒麪局年例銀一十七百餘兩

一鐘樓年例物料銀八百餘兩

以上共用銀二十四萬六千九百五十七兩零

額外錢糧數目

自軍興以來發運器甲硝磺鉛鐵火藥共用過銀三萬餘兩

召買真鋼牛皮筋角魚鱗及染價煉價共用銀一萬兩此皆額外錢糧束事未寧尚無已日

都水司應出年例錢糧數目

- 一御用監年例雕漆錢糧該銀七千八百七十兩七錢五分
- 一供用庫柴炭等銀一千四百一十九兩一錢二分
- 一修司苑局採蓮舡銀七兩八錢七分
- 一光祿寺小油紅折工食銀二十兩
- 一神宮監修理祭器工食銀四十七兩一錢二分
- 所營繕所整點笙簧折工食銀一十五兩
- 一內官監成造王府冊蓋袱匣工料銀約七百兩
- 一司設監年例金箔等料七千四百兩
- 一御馬監牒馬繩索銀一千二百兩

廊

- 一尚衣監冠頂等項共銀一千九百八十七兩五錢
- 一司禮監御前成造龍床等項該銀一萬二百五十兩
- 一內官監淨車折銀二千七百五十兩
- 一丙字庫串五絲等絲銀一萬九千一百六十三兩五錢
- 一放實進貢彝人銀約五百餘兩
- 一六科廊成造彝人衣服靴襪銀七百三十七兩零
- 一六科廊成造萬壽正旦宴花銀二十三兩四錢
- 一六科廊成造急缺面紅段衣銀二十二兩四錢
- 一六科廊成造織染所蓋蓋小粉共銀一千五十七兩六錢
- 一六科廊成造園丘等壇廚役淨衣銀三百五十一兩零
- 一六科廊成造尚寶條銀七十五兩二錢三分
- 一六科廊成造歷日黃羅銷金袱銀二兩六錢九分二厘

一六科廊成造御馬槽椿等件該銀三千四百七十七兩九錢七厘  
一織染所變染承運庫絹匹合用花紅等料銀八十餘兩  
一供用庫板箔銀四百一十三兩八錢三分  
一器四廠成造光祿寺器四并大修各壇廟等項共銀八十餘兩  
一針二局折內官監衣銀約八萬餘兩  
一丁字庫年例雜料銀四萬餘兩  
一年例宣府鐵價銀五千兩

以上年例共銀二十五萬一千九百七十餘兩

額外錢糧數目

一司禮監徽墨土砂紙札等項錢糧原派銀一萬八千餘兩二次  
給過一萬五千兩該找銀二千餘兩  
一銀作局成造二王婚禮金銀原派三萬五千五百一十八兩八

錢發過二萬七千兩該找銀八千五百十八兩八錢

一典膳局成造東宮膳盒折價銀一千五百十八兩八錢九分二  
厘八絲

一東宮典膳局成造喪禮折盒銀四千六百九十五兩

一內官監成造二王婚禮木植等料原派該銀四千五百餘兩未給

一內官監成造二王出府木植等料原派銀三千三百餘兩

以上共銀二萬五千五百七十五兩零

屯田司應出年例錢糧數目

一御用監年例金箔等料銀四千一百六十九兩五錢

一中帽局紗羅銀二千四百五十六兩六錢五分

一司苑葛稽等料銀九百七十五兩五錢一分

一御馬監煮料木柴銀三千兩

一銀作局土炭銀一千五百兩

一織染局木柴木炭銀一千九百兩

一惜薪司內外柴炭銀一十四萬七千五百四十四兩五錢二分又四

監折柴價銀一萬六千餘兩

一西捨飯店煮粥木柴銀四百五十八兩八錢四分

一天壽山麻劬銀二十二兩五錢

一翰林院木炭銀一百一兩

一太常寺木炭銀七百九十四兩五錢

一大站馬房煮料木柴銀九十五兩三錢八分二厘

一易州山廠木炭銀一萬三千五百五十二兩

一內官監成造細草紙七十四兩

一公費諸項共三百零四兩四錢九分五厘

一東宮正膳柴炭銀三千九十七兩五錢七分五厘又加膳柴炭銀一千七百八十八兩五錢五分

一瑞府日用柴炭銀一千三十二兩五錢二分五厘

一惠府日用柴炭銀一千三十二兩五錢二分五厘

一桂府日用柴炭銀一千三十二兩五錢

一臺基殿光祿寺日用柴炭銀一萬七千二百五十餘兩

以上年例共銀二十九萬九百一十二兩五錢零

額外錢糧數目

一皇太子 人造墳冥器等項錢糧未奉明旨不敢定數約用銀

二十二萬餘兩

一桂王妃呂氏見今造墳冥器等項錢糧約用七萬餘兩

以上二項共銀二十九萬餘兩

已上四司通共該應出銀一百二十三萬七百餘兩

新舊餉

崇禎元年十月廿二日葉有聲疏稱國家舊餉歲額五百餘萬而  
入止三百四十餘萬缺額一百六十萬有奇新餉歲額五百二十  
餘萬而歲入止三百九十餘萬缺額一百三十萬有奇先公筆記  
萬曆七年張居正疏曰萬曆五年所入四百三十五萬九千四  
百餘金六年所入僅三百五十五萬九千八百餘金則已少八  
十餘萬矣五年所出三百四十九萬四千二百餘金六年所出  
至三百八十八萬八千四百餘金則已多四十餘萬矣夫歲出  
則浮於前歲入則減於舊此不可不留心也

勦餉

崇禎十年分派撥各督撫下均糧銀一百九十二萬九千三百八  
錢五分三厘五毫八絲四忽溢地銀四十萬六千八百一十六兩  
三錢七分七厘四毫三絲驛站裁革銀二十萬兩共撥派銀二百  
五十三萬五千八百二十兩二錢三分一厘一絲四忽崇禎十一  
年分均糧奉旨減去輸納該銀九十六萬四千五百一兩九錢二  
分六厘七毫九絲三忽溢地銀裁銀二十萬兩又加山東溢地銀  
該省認額多銀二萬一千八十三兩三錢九厘河南溢地銀<sup>上年</sup>  
<sup>未派今酌派</sup>該銀二萬二千七百七十八兩四錢揚州新增鹽課  
<sup>十分之一</sup>銀一十六萬兩督撫衙門開創事例銀約十萬兩共計銀一百八  
十七萬五千一百八十一兩一分三厘二毫二絲二忽四除鄖陽撫  
治標下議增兵五千名馬一千五百匹歲餉銀一十一萬七千兩  
合於勦餉之內量撥銀六萬兩

邊餉

崇禎元年戶科給事中黃承昊上言祖宗朝邊餉止四十九萬三千八十六兩神祖時至二百八十五萬五千九百餘先帝時至三百五十三萬七千七百餘其他京支雜項萬曆開歲放不過三十餘萬而歲入不過二百二十萬即登其數已為不足而重以通負實計歲入僅二百餘萬耳成平安得無脫中司農安得不仰屋乎乞初各邊督撫清覈歷年增餉至京支雜項亦令各衙門自加嚴汰紀事本末

新餉可節者二舊餉可釐者二舊餉年例始於正統至萬曆末而極新餉極於天啟至崇禎初元而縮近營制新定關寧兵不十萬馬不能五萬較戊辰加縮矣而餉金二百五十餘萬未豆百七十餘萬石復有折豆皮襖葦席運價草價四十餘萬金反

增何也可節一舊餉四十二萬金耗矣忽增新百五十萬密永昌舊餉八十萬忽增新五十餘萬通津各十四萬登島八十萬而皆未嘗見虜也可節二度七百二十萬新餉裁為戊辰四百八十八萬之局民拜賜矣舊餉固不易裁然以市賞綜之卜首未領者十五年贏金六百萬非卜被逐而插求吞豈有圖窮七現之日哉累經駁究如鞠尾問可釐一插自有賞二十八萬又奪卜賞八萬六萬六裁其半而加插賞八萬九千復有拱虎萬九千之賞歲餘六十七萬餘金盡歸插手不如能戰士使淪姦腹不如如窮民可釐二癸酉試錄

戶部咨均糧溢地二餉一半解京一半解勦勦餉侍郎張伯鯨奏為遵均溢半雷之旨酌派督理治數日事內晉蜀二省應于秦撫項下解還戶部外實半雷銀一百一十三萬二千三百八十六兩

若以崇禎十年額派二萬八千兩計之僅得十分之四尚有皖鄭  
二撫共一十八萬有奇不與焉臣遵紹舊款各以四分爲率於理  
臣項下派三十萬兩秦督派十四萬兩楚撫派十萬兩豫撫派十  
六萬七千六百兩皖撫衙門創設別無支持不得不仍派一萬兩  
鄭撫以特請奉旨紹原數仍派八萬兩沅撫二萬八千三百八十  
五兩先奉部派已定不敢增減者也已上共派一百二十四萬六  
千七十五兩內不敷銀一十一萬三千六百八十九兩臣撥事例  
銀補之有細數聞呈御覽

督師輔臣楊嗣昌奏臣昨奏勦餉當相乘除恐徵解不前必致  
兩誤皇上面諭勦餉自勦練餉自練餉頭緒原各分明毋得更  
張恐生遲滯欽此但戶部前因缺餉議將勦餉一半需用一半  
解京其後議派練餉四百餘萬兩又派補缺額銀一百餘萬兩

應依一摺

且欽遣科守催則京餉有餘不宜分勦明矣乞敕戶部勿分勦餉  
爲蕩寇第一急務

邊鎮年例 明世法錄

薊州鎮年例銀四十二萬六千八百七十一兩八錢二分九厘三  
毫五絲又新增鹽菜銀九萬七千四百八十五兩二錢二分五厘  
密雲鎮年例銀三十六萬五千三百九十一兩六錢六分六厘七  
厘五絲又新增鹽菜草乾銀七萬五千八百四十四兩八錢七分五厘  
永平鎮年例銀二十八萬九千八百六十六兩四錢七分九厘又  
新增鹽菜銀八萬四千八百一十二兩七錢

薊遼總督撫賞銀一十萬五百六十七兩四錢五分五厘五毫  
昌平鎮年例銀一十四萬二百三十二兩四錢七分三厘九毫五  
絲四忽又新增鹽菜銀二萬四千六百七十五兩八錢六分七厘五毫

易州鎮年例銀一十四萬六千五百九十五兩五錢二分  
宣府鎮年例銀二十九萬九千一百五十六兩七錢八分

大同鎮年例銀二十萬六千三百兩

山西鎮年例銀四萬三千七百三十九兩八錢七分

寧夏鎮年例銀一十三萬三千七百九十五兩二錢五分

甘肅鎮年例銀一十九萬七千五百八十八兩五錢三分五厘

固原鎮年例銀一十四萬五千八百二十三兩九錢二分六厘五毫二絲

固原鎮下馬關放過年例銀四萬二千三百七十二兩九錢六分  
助山海關新餉銀一十萬兩

遼東提塘千總月糧銀三十九百三十一兩

已上係天啟四年戶部冊

### 犒銀

泰昌元年戶部尚書李汝華查九邊十三鎮官兵暨總兵家丁并  
召募新兵共八十八萬合犒銀一百萬兩法傳

### 水兌雲臺藏稿

查歷年水兌本折解數多不足額陪京百萬之眾歲支不貲又查  
本部庫貯不滿四十萬歲支四十餘萬或五十餘萬或五十餘萬  
歲入常在三十萬上下昨歲則止收二十餘萬矣出浮於入堂堂  
農部檢括不足二年之儲尚可為壯根本乎細查拖欠之數自萬  
曆二十九年恩詔後為始至三十七年止逐一稽查水兌正米共  
欠一十九萬二百三十六石七斗七升水兌折米銀共欠一十三  
萬二千一百四十九兩三錢一分本色倉豆共欠八十三萬九百  
二十三石五斗八升俸祿鹽鈔布絹草麥銀共欠八十九萬二千



五百四十二兩零有司怠玩已極帑藏匱乏莫甚實可寒心萬曆四十年八月

莊田昭代紀卷

慈慶慈寧乾清三宮莊田為地二萬一千一百六十六頃一十五畝徵銀五十五萬八百一十四兩煤窰七十餘座徵銀一百七十兩菜樹六十餘株徵銀六十五兩此外又有王府功臣貴戚莊田更逾其數

納贖

崇禎十一年四月顯准事例納贖欵畧

一在部候選貢監吏承等官照依本品級納銀一卯即選例  
三司首領各納銀四百兩州同州判各納銀三百五十兩府首領納銀二百四十兩外縣縣丞納銀二百二十兩外縣主簿及州吏目各納銀二百兩外縣典史納銀一百六十兩布政司庫

官納銀一百六十兩按察司獄官鹽場稅課官各納銀一百兩  
倉巡驛丞等官各納銀六十兩

一貢監未經考定援納即選例

文華殿中書納銀二十兩武英殿中書納銀一千五百兩百光祿署丞納銀八百兩布按二司經歷理問各納銀七百兩副理問納銀六百兩都司經歷事各納銀六百兩

一世弁納級仍昭原職支俸例

凡在京在外各衛所千百戶等官原係世職領納銀加級實授百戶加衛鎮撫副千戶并所鎮撫加衛鎮撫加衛鎮撫各納銀五十兩加正千戶各納銀一百兩加指揮僉事各納銀二百五十兩加指揮同知各納銀二百八十兩試署者各加銀五十兩實授副千戶及衛鎮撫加正千戶各納銀五十兩加指揮僉事

各約銀一百八十兩加指揮同知各約銀二百二十兩實授正  
千戶加指揮僉事約銀一百四十兩加指揮同知約銀一百七  
十兩試署各加銀五十兩總小旗約冠帶各約銀三十兩冠帶  
總旗約所鎮撫百戶各約銀一百兩副千戶衛鎮撫各約銀一  
百五十兩正千戶約銀二百兩冠帶小旗加約總旗例每級  
加銀五十兩總小旗只許約試百戶所鎮撫加約實授各約銀  
五十兩

一贖軍除永遠克軍并實盜倉庫錢糧實關封疆逆案及以死罪  
改軍并以軍犯軍者槩不准續外其餘終身克軍者官犯附近  
准納贖一千兩邊衛加三百兩邊遠加五百兩烟瘴加一千兩  
民犯附近准納贖四百兩邊衛加一百兩邊遠加二百兩烟瘴  
加四百兩

### 撫賞

遠寧前屯衛以西至薊鎮一帶朵顏三衛之酋也雖種子野心時  
有歹狀然彼利歲賞終就籠索自寧遠以東至廣寧皆虎墩兔廳  
炒花宰賽等酋元之裔也部落雖多其勢不聯亦利我撫賞屬我  
羈縻顧撫獎之中有大難處除額賞定數不開外獎將到邊口有  
牛羊段布米麪果酒之賞名曰迎風至邊口任下賞亦如迎風名  
曰過夜到齊賞亦如迎風名曰祭旗酋差數人或數十人或差一  
人講話或報某事報其警皆賞米麪酒肉果品名曰犒食以上各  
項賞費更倍於額賞却不在額辦經費之數之內計其費即以全  
遠之額賞新餉之數計之用之山海薊門并用撫獎綽有餘擲也

張鶴鳴報

用獎

天啟二年七月遼撫王化貞揭云方遼瀋之陷西彝乘機搶掠人心洶思職遣人謂之曰吾且西從永與尔絕抄花聞之因遣使要我無西即許紉款故乘機羈縻加賞銀三千六百餘兩定盟以去人始有固志虎墩虎慙遣其貴人桑向思寒等來言共殺奴飲血為誓固賞銀一千兩為乾糧之資抄花亦率其五大營來言助兵亦領乾糧銀一萬兩此用彝始末惟因其勢而用之無費許多要結慙八大營領去銀萬兩小歹青領銀二千兩抄花五大營領銀一萬兩抄花等新增賞銀四千餘兩蓋以終前歲加慙賞之局分外彝使往來犒享及賞有功之彝不過數千通計三萬兩一一皆有籍記亦不敢輕百萬於無當之管也

馬市

萬曆二十八年六月遼東巡撫李植奏略謂遼左馬市創設有年諸撫賞貨物自二十二年以前共止費銀二千四百餘兩至二十三年委馬政官俞方策兼管或聽 簡重名詭名或比舊例加倍甚有增至三四倍者二十四年增至四千五百餘兩二十五年增至六千四百餘兩二十六年前撫臣張思忠察其弊端增查裁抑仍用過二千七百餘兩 反要挾宣大之賞張思忠不勝其憤具疏請革馬市遂罷此廣寧馬市因革之大畧也續通考

進獻

嘉靖二十一年四月秦定王惟焯獻白金一萬金佐建宗廟上賜玉帶一束歲加祿米二百石萬曆三十二年九月揚州富民吳時脩獻白金一十四萬兩詔授其子弟各中書舍人成化中海南進紅鸚鵡萬曆五年有獻五色鸚鵡者詔入之嘉靖丙寅戶部進綠三槐共重三百五十六觔三十六年雲南布政鮑道明獻寶石

一萬五千八百顆四川巡撫黃光昇獻礦砂五百觔永樂甲午秋  
榜葛刺國以麒麟來獻宣德甲寅冬甘肅以龍獻成化辛丑西域  
以二獅子進案獅狀如黃狗頭大尾長各有鬚每獅日食活羊一  
羶醋酣密酪各一瓶養獅人俱授以光祿給酒飯費  
亦浩嘉靖三年夏魯迷王進獅子西牛西犬馬及向骨刺馬駝珊  
瑚珠玉天順中西寧衛指揮汪某進五明黑馬一匹賞銀三十兩  
紵絲二表裏鈔三千貫仍賜勅獎諭山東平原儒學生員張德進  
綵色珠燈二副大圓燈二椀及墜燈飛龍結子華蓋仙童仙鶴壽  
帶上紉之賞鈔二十貫崇禎十六年十二月西域獻千里馬命五  
城清道試城上不果洪武二十年天壽聖節太師李善長進文綺  
九十五匹海西侯紉哈出進馬二匹高麗國王王福進門下評理  
御長壽密直副使尹就等貢金龍雙臺盞一金盃一金銀鐘二銀  
罐一玳瑁筆鞘十黃白黑布六十安南國王陳煒遣使進馬三十

匹真臘國王參列寶昆耶甘苦者遣使進象及方物實錄

故豪沈萬三子文度因籍沒蒲伏進黃金一百兩白金一千兩龍  
文被一牀龍角一株奇寶十具異色縐四十匹談薈

### 籍沒

國家籍沒權貴貨產勲臣則涼國公藍玉曹國公李景隆忠國公  
石亨咸寧侯仇鸞文臣則少師嚴嵩武臣則錦衣都指揮紀綱都  
督錢寧太保陸炳平鹵伯江彬中貴則內太監袁琦司禮太監王  
振曹吉祥劉瑾張雄張銳畢真李彬馮保而其富無過於振瑾彬  
寧嵩保六家

正德中籍沒劉瑾貨財金二十四萬錠又五萬七千八百兩元  
寶五百萬錠銀八百萬又一百五十八萬三千六百兩寶石二  
斗金甲二金鈎三十玉帶四十一百六十二束獅鬘帶二束金

銀湯盥五百蟒衣四百七十襲牙牌二櫃穿宮牌五百金牌二  
表袍四八爪金龍盃甲三千玉琴一王寶印一已上金共一千  
二百五萬七千  
八百兩銀共二萬五千九百  
五十八萬三千六百兩嘉靖初籍沒朱寧貨財金七十扛  
共十萬五千兩銀二千四百九十扛共四百九十八萬兩碎金  
四箱碎銀十櫃金銀湯盥四百金首飾五百十一箱珍珠二櫃  
金銀臺盞四百二十副玉帶二千五百束金綠環四箱珍珠眉  
葉纓絡七箱烏木盆二沉香盆二金仙鶴二對織金蟒衣五百  
箱羅鈿屏風五十座大理石屏風三十二座圍屏五十三扛蘇  
木七十扛胡椒三千五十石香椒三十扛段匹三千五百八十  
扛綾絹布三百三十扛錫器磁器三百扛佛像一百三十櫃又  
三十扛祖珞珠佛一尊銅錢獅子四百車銅盆五百古銅鑪八  
百三十古畫四十扛白玉琴一金船二白玉琵琶一銅器五十

扛巧石八十扛震澤長語

正德十六年三月籍沒江彬家產金七十櫃每櫃一千五百兩  
銀二千二百櫃每櫃十兩金共一十萬五千兩  
銀共四百四十萬兩金銀首飾五百  
一十箱金銀湯鼓四百個餘物不可勝計番青日札嘉靖四十  
四年八月籍沒嚴嵩家產金共一萬三千一百七十一兩六錢  
五分淨金器四百首飾等項共重三萬二千九百六十九兩八錢  
銀二百零一萬三千四百七十八兩九錢淨銀銀器共重二百  
二萬七千九百一十兩一錢玉器八百五十七件玉帶二百零二束  
金扇玳瑁犀角瑪瑙銀海珠鈿牙香等帶共一百二十四條緞  
絹紗絨綾布葛共一萬四千三百三十一匹零一段古銅器  
一千一百二十七件通計淨銀并器四百首飾與變賣寄借二百  
三十四萬二千七百三十一兩七錢七分七厘二毫番青日札

萬曆十一年籍沒馮保家產保金銀百餘萬計珠寶瑰異以萬計  
宅舍田產等是時內藏一時充物法傳

刑部侍郎丘橈籍沒張江陵家得藏黃金將萬兩白金十萬餘兩  
長子懋脩誣服寄贓三十萬金於曾吾王篆等家上命追贖

先是丘橈等行江陵諸子焚毀其奇貨禁物荊州守令先時錄  
其人口而子女逃避去寶不及發皆銅其門餓死者十餘曹為

犬所食長子懋脩自縊家人亦多有從死者京師巨惡徐性善  
故父良佐以棍徒謀進御用監書寫文結馮保盜出成化間工

造鎮庫填青字樣圓寶家中現貯十二窖每窖約有一十二萬  
餘兩晴珠異寶現存數經河道御史黃卷疏奏奉旨籍沒萬曆

二十八年湖廣騰驤衛百戶奏興國州民徐泉等朋拆黃金巨  
萬內有唐相李林甫夫人楊氏誥命金牌金童金香爐等物猶

應低一格

有左右金銀窖未開上命查明解部案徐泉之極也在西塞山地  
名古墓徐元衛公呂文德其  
夫人楊氏止得金盃一命盃一金牌一金絲一銀二錠計二十七  
兩

抄沒

天啟四年抄沒徽州吳養春程夢庚家產吳養春銀六十五萬兩

山場木植銀三十萬兩程夢庚銀一十三萬六千兩俱嚴進助工

崔呈秀奉旨籍沒十月十二日在西宅裡查出銀二萬五千兩十

二日在東宅裡查出銀一萬零九百七十二兩赤金三百四十三

兩二錢十九日薊州起出三處銀一萬九千六百五十兩二十日

起出銀八十零四兩五錢二十一日又在書房裡搜出七千五

百五十兩共銀七萬一千二百一十二兩五錢東宅箱籠廚櫃共

一百九十五隻西宅箱籠廚櫃共一百十四隻外駱從古器鋪原

領銀一萬兩又京師宅裡東首小房拆出銀一萬一千五百兩又

當

一開揀出銀一萬九千八百兩其餘箱籠三十四隻內有玉帶金銀器皿衣服等件京裡盤出共又銀六萬三千三百兩金盃八隻金罐一箇銀盃三十六隻銀盤四十隻銀碗四十六隻銀酒壺二把銀鑲大盃六十隻小盃二十隻銀盒一個銀八仙一座玉盃盤四十九件瑪瑙盃一個琥珀數珠一串金簪碧玉簪四十五隻金銀象牙玉帶七條犀杯盤四十件銅鑪瓶六十件玉壺玉杯三十九件玻璃犀杯三十六件珊瑚五枝牙笏六枝牙筋六十二把銀仙銀船銀鶴共十一件珠盤一隻麗線絨紬綾段紗羅共七百九十二匹衣服一百八十六件帳幙四十九件人參二箱速香三箱金川扇一箱蘇金扇二箱蟒衣倭段五十七件樵史

殿二

三殿工價天啟五年二月二十二日啟二七年八月初二日工完共用過工價五百九十五萬七千五百一十九兩零兩朝從信錄督理二程科道處今將天啟六年八九兩月收助二錢糧數目開後

南兵部解太僕寺吏書頂首銀一千八百八十四兩

山西布政司解按院安伸搜銀一千五百兩又節省銀三百兩

登州府解寧海州天啟五年課程銀五十兩三錢

廣西巡按王解助工銀一百二十兩

原任陝西巡撫喬應甲捐助銀七十四兩七錢三分

宣大總督張朴解搜括銀三千八十兩

學院李藩解吏書頂首銀一千四百兩

河東鹽運司解天啟六年分鹽課加增銀三千五百一十九兩

一錢

山東布政司解事例銀三十兩

原任吏科魏照康助銀五十兩

福建布政司解搜括銀四萬八千二百七十八兩一錢三分

甘肅巡撫王 解紬貢銀一千四百三十一兩

江西南昌府解紬貢銀一十二兩

雲南道周用賓解捐俸銀六十四兩五錢

光祿少卿倫肇修助銀六十兩

通政司解吏書項首銀二百零四兩

福建布政黃景章解搜括銀七萬九千二百七兩九錢

南刑部解吏書項首銀四百一十兩

廣西布政司解武職等官捐助銀四百五十兩二錢

登州府解萊陽縣天啟六年課程銀八十四兩四錢

登萊指揮羅寰解各營官捐助銀六百零五兩三錢

登萊巡撫李嵩助銀一百八十五兩五錢

廣東道劉其忠解助二銀五十六兩一錢

蘇州府解犯官顧大章贓銀一萬七千五百兩各屬紬附

事例銀一萬五千二百十兩學租銀五百兩

職方司郎中吳淳助銀三十兩

原任遼東巡撫張鳳翼助銀一百兩

陝西總督王之采搜括銀九百十二兩

河西巡按劉惟忠搜括銀一千零十五兩

許登關主事馬任遠解助二銀一千二百兩

陝西布政司解撫院張維樞節省銀二萬三百九十二兩



李葵解犯官趙可弘段辰李一道等贓錢四千二十兩  
歸德府廩生張景衡納貢銀四百六十八兩

河南布政司解事例銀一萬一千三百一十兩又孟津縣

鄉官喬允升捐助銀一百五十兩

南大理寺解吏書頂首銀五十兩

登州府解招遠縣天啟六年課程銀一十五兩六錢

臨洮總兵白兆慶解助銀一千七十二兩

山東司解犯官方震儒贓銀五百四十兩

順天府解節省銀二千八百零二兩六錢又吏書頂首銀六百

九十一兩

鎮撫司解犯人史大仁等贓銀一千八百一十三兩二錢

順天巡撫劉詔解民兵銀六千三百二十六兩

保定巡撫郭解本營吏書頂首銀三千三百十四兩五錢

陝西道張應辰助銀五十兩

揚州府解犯人袁世振朱光耀等贓銀一千九百九兩六錢

浙江布政司解紬附銀一萬零二百七十兩

主客司主事李政修助銀三十兩

衛輝府獲嘉縣解助庫缺料銀一千零六兩

永平府解永山二道搜括銀一千二百一十四兩五錢援紬生

員銀二百六十兩遷安縣捐銀一百五十兩吏書頂首銀二百

四十三兩二錢

遼東巡撫袁應泰助銀一百七十兩寧前道畢助銀八十兩

江西布政司解紬附銀二萬一千四百五十兩又張秋援紬百

戶銀一百五十兩又犯官熊明遇贓銀一千二百兩

北新關主事周世賞助工銀一千二百二十八兩七錢

原任大學士葉向高助工銀二百五十兩

南太常寺解吏書頂首銀五十兩

南吏部解吏書頂首銀三百四十兩

山西布政司解巡按王憲卿助工銀五十兩又大汾沁州縣加稅課銀五百八十兩三錢

常州府解紉附銀一萬二千四百八十兩學租銀四百一十兩

又解犯官毛士龍陳景源贓銀三千一百一十二兩七錢

南禮部解助工銀一百一十兩

鳳陽府解巡按李應薦吏書頂首銀三千兩項下贓銀一千一百兩又天啟五年稅契銀七百八十兩八錢又學院貢繼春搜括銀三百三十兩又知府晏日啟助銀三百兩

戶部員外朱明時主事喬魏等共助銀四百七十七兩八錢

南京解都察院等衙門吏書頂首銀二千六十兩

浙江布政司解助工銀五千九百九十九兩

太僕寺解兵部侍郎魏應嘉搜括銀三千三百五十六兩

尚寶司少卿周爾發助銀四十兩

保定府解稅契銀二百二十三兩九錢五分

山東鹽運司解鹽課銀三千二百一十八兩六錢

寶泉局解尚書郭允厚等搜括內銀錢五百萬文

南通政司解頂首銀五十兩

揚州府解犯官張世繼贓銀三千四百兩

陝西布政司解紉附銀二千八百六十兩又梁水所房產變價銀一千九百一十二兩

廣西布政司解桂平府州縣助工銀八千一百九十六兩八錢  
又各衙門頂首銀三千一十二兩五錢

臨清磚廠即中兵國楨助銀一百二十兩

商丘縣廩生楊濬之納貢銀四百六十八兩

甘肅巡撫助工銀一百五十兩

淇州文安縣解搜括銀八十五兩零

山西布政司解巡撫曹爾楨搜括銀一千六百兩本司并府州

縣搜括銀一萬三千二百四十四兩又太原等府州縣天啟六

年公費銀一萬八千五百九十兩

淮安府解巡撫呂兆熊捐助銀八千八十五兩又紉附銀二千

六百兩

原任兵部尚書王象乾助銀二百五十兩

山東布政司解紉附銀二萬六千兩各府州縣頂首銀六百兩

又承差納辦銀一千六百兩

登州同知解登萊撫院吏承頂首銀三百兩

大工科院吏書翰紉成完銀六百兩

荊州解天啟五年新城侯王昇子粒銀八百兩

河間府侯選運判趙光宇助銀八百兩

督師王之臣解贓銀一千一百九十二兩

山西布政司解巡撫仲搜括銀七百二十兩又各屬紉附銀

三萬九千五百二十兩

河南布政司解光山縣犯官夏之令贓銀五千兩又巡按楊維

垣助工銀三千一百兩

定西侯蔣爾恭助銀三十兩

光祿寺詹爾達助銀一百兩

太常寺卿崔爾進助銀一百兩

祠祭司員外丘復嘉銀三十兩

巡按御史徐卿伯助銀三百兩

原任吏部尚書李宗延助銀二百兩

原任大學士朱國禎助銀二百兩

撫按司解犯官周起元贓銀二千七百一十六兩三錢

南光祿解吏書頂首銀八十兩

廠庫科院解吏書頂首銀一千兩

易州小廠解吏書頂首銀一十二兩

廣西巡按王政新解節省銀一百三十二兩

河西務鈔關解船料銀六百零二兩

南司禮監太監胡良輔解楊鳳蘇 操餉馬價餘銀三十萬三

千兩

徐州知州閻 解助工銀二萬六千二百四十九兩八錢又所

屬蕭沛等縣稅契銀三百二十兩三錢零

臨清鈔關主事王時和解助二銀二千二百兩

兩淮鹽商江弘等納引助工銀六十兩

廣德州解搜括銀一百兩零二錢

福政布政司解西庫銀三萬三千七百四十三兩零

戶部寶泉局郎中杜<sup>外</sup>懿解侍郎靳于中搜庫羨助二錢二十

八萬六千八百五十八文計值銀五百二十一兩五錢六分

助餉萬曆四十七、八兩年

南太僕寺少卿兵燹助銀一萬兩

建

太常寺少卿楊東明助銀八百兩  
尚寶司少卿袁可立助銀五百兩  
山東道御史田珍助銀二百兩  
文華殿中書舍人楊東光助銀四百兩  
武英殿中書舍人李時馨助銀三百兩  
江西道御史張惟煥助銀三百兩  
光祿寺典簿沈文鏡助銀五百七十兩  
陝西按察使司副使楊堯萃助銀五百兩  
太原府同知吳登仕助銀八百兩  
睢州儒學生員劉贊助銀六百兩  
先公筆記  
韓王助餉銀二千五百兩  
天啟元年七月

會議遠餉

天啟元年二月會議遠餉

一專官鼓鑄制錢

一專官督理屯糧

一南都牧馬場地

一長江上下蘆洲

一東南半壁海田

一腹裡衛所屯糧

一南北戶二關廠

一省直房屋稅契

一督撫應節軍餉

一郡國應裁冗員

一州縣應汰民兵

一省直應請徭役

一南北諸司改折

一內外諸司積存

一省直穀糶銀

一省直閒地變價

一事例改輸本色

一加派分析各部

一內外釐核收支

一省直催征起解

一海陸召買轉運

一內外申嚴考課

列朝私紀卷之

孝廟

永嘉周天錫

純皇之誕孝廟也時萬貴妃寵冠后廷宮中有孕者百方墮之考  
穆太后舊爲宮人入侍<sup>而</sup>孕貴妃使醫理墮之竟不能下 潛  
育之西宮報曰已墮上不知也一日上坐內殿咄嗟自歎內使跪  
問故上曰汝不見百官奏耶小內使應曰萬歲已有皇子弟不知  
耳上愕然問安在對曰奴言即死於是太監懷恩頓首曰內使言  
是皇子潛養西宮今已三月匿不敢聞上即敕百官語狀明日廷  
臣吉服大賀遣使往迎皇子使至宣詔孝穆抱皇子泣曰兒去吾  
不得活兒見皇袍有鬚者即而父也皇子衣緋袍乘小轎子擁至  
奉天門下上抱置之膝皇子輒抱上頸呼曰爹爹上悲泣下是日

頌詔天下時孝肅居仁壽宮恐皇子為貴妃所傷乃語上曰以兒付我皇子遂居東朝自是諸宮報生皇子者相繼矣一日上出貴妃召太子食孝肅謂太子曰兒去母食也太子至中宮貴妃賜食曰已飽進羹曰羹疑有毒貴妃大恚曰是兒數歲即如是他日魚肉我矣忽不能語以致成疾初孝穆為宮人時有宮人當直宿者病而強孝穆代之遂有孕云孝廟既生頂上有數寸許無髮益藥也傳云太子迎入東朝貴妃使使賜孝穆死或曰孝穆自縊萬曆甲戌一老中官為予道說如此 穀山筆塵

儲貳

世廟晚年諱言儲貳有涉一字者死穆孝在潛辰朝夕危思今上誕生不敢奏聞至兩月間不敢剪髮一日有宮女最幸者乘間以聞上怒而譴之宮中股栗莫知所為太監黃錦熟念無可為策一

同上色喜即命宮女中官於殿廷欄楯所至皆寘樽俎上問何故黃即伏奏皇上有喜上曰何喜黃曰上自思之上避迴曰念唯生一孫差可喜耳黃即呼宮女中官頓首呼萬歲於是禮官始敢以皇孫聞也

萬貴妃

城

我朝憲廟最寵萬貴妃萬嘗得罪孝廟外傳萬自盡嘗見一中官說萬體豐肥一日以拂子撻一宮人怒甚遂痰厥而死蓋猝疾云內人傳報憲廟玉色撫然曰萬使長去我也待要去也不久遂賓天鍾情之傷若此 穀山餘注

鄭貴妃

神宗時貴妃得寵其父兄鄭國泰等日夜謀變搆成離間妃復譖於上加害太后寥落苦楨幾三十年太后忽憇失明左右無一宮

侍在側凡日膳內臣寘於外殿請太后出外自取貴妃令腹心內嬖採訪捧膳者何人既而垂危思光廟一面以冀永別未奉貴妃之命不敢啟閣遂阻光宗哭於宮外至氣絕方請入已仙逝矣其髮翦鬆坐而不臥無復后禮幽苦不可勝言光宗登極追贈徽號出王昇奏疏法三朝傳

### 中宮廢立

世宗篤於倫常嘉靖元年立皇后陳氏八年崩蓋悼靈立順妃張氏為皇后十三年正月癸卯廢越十日立德妃方氏為皇后張后以十五年薨用廢后吳氏禮葬之中宮之廢非小事也中閒緣故史官不著一字禁史亦無有及者豈宮禁事秘非外人所得與知耶余童子時一老儒為言張后之廢實由張延齡兄弟世宗方以昭聖初年裁抑章聖憤甚而延齡故多怨家為人所訐下獄昭聖

急因上生于論來見致賀上辭之益皇急托張后為言后方有盛寵乘夜宴述太后意而太后亦先遣人傳上云延齡事將就罷上已怒諭閣臣謂太后云云然猶未有以發及聞后言大怒即褫冠服與杖明日下令廢黜延齡竟坐死考之史錄日月正相值老儒之言真耶其亦齊東之語耶世宗以母后故不顧燕婉之好誠剛誠孝而張后之不幸已甚昭聖此時又何以為情夫昭聖專寵驕妬致孝廟終身無他嬪御養成二張之惡武宗立母族甚見疎外昭聖默默已不能得之於子胎禍極於世宗所存者一虛名耳孝廟在天之靈何以慰耶漁幢小品

### 許嬪

萬曆中有許嬪者兩宮災時見上大詔曰昏君不知省改已拜中宮又昵貴妃上怒遣寘冷宮中餓之數日中宮言當與杓水始得



活至三十年八月以疾薨詔以禮葬昭代紀畧

### 趙選侍

光廟選侍趙氏與魏客不協矯旨賜之死選侍盡出所賜珍玩列於庭再拜自經裕妃張氏方妊膺冊封禮客氏譖於上絕其飲食閉禳道中偶天雨匍匐掬簷溲數口而絕又矯旨革成妃李氏封號幽閉一室成妃故鑿裕妃以飢死客貯食物壁間數日不死魏客怒少解斥為宮人遷於乾西所皇后張氏素精明魏客悍之后方有身腰痛客氏密布腹心宮人奉御無狀實焉又於上郊天之日掩殺胡貴人以暴疾聞法傳

### 張皇后

天啟六年十月順天府巫劉志選止言張國紀怙惡不悛下旨切責國紀后父也后賢明客氏忌之誣稱后非國紀女幾搖天聽魏

## 鞠

忠賢族志選反御史梁孟環論之志選疏有丹山藍上一日幸后宮顧見凡上書一卷問何書后曰趙高傳也上默然忠賢益怒次日伏壯士數人於便殿上御殿搜得之懷刃上大驚送殿衛鞠問忠賢乃誣后父國紀謀立信王為不軌欲興大獄王體乾乾曰主上凡事憤憤獨於夫婦兄弟不薄脫有變吾輩無噍類矣忠賢思乃亟殺之以滅口事得寢紀事

通紀云劉志選奏后父張國紀謀害婢幸氏作妾佔樂戶住房

以居選除而紉賄行求鬻獄而輒稱懿旨甚至訓及於丹山之穴藍田之種者此又所不敢輕言也上下旨切責令國紀洗心滌慮以就令圖初志選疏入當日已有重處之傳聞臣李國楫曰君之與臣猶父之與母世安有佐父以構母者况原無間隙之父母乎國紀因得野乘云張皇后父名國紀甲申之變初傳

后慈不得其尸既曰有曰先帝將去煤山請后自裁后不從城陷為李賊所得後竟西去傳聞如此又聞國紀初見棄女於道在霜雪中不死收歸育之及長姿貌絕世國紀欲納於妾俄入房見紅光滿室意必為貴人乃撫為女後果正位中宮崇禎末民間訛言熹廟有遺孤在宮或云非熹廟所遺此皆流寇偽造動搖人心者

王才人

萬曆三十二年十一月皇長孫生其所生母王氏未有名號上命禮部定擬以聞禮臣所擬不稱旨上乃於宮中出一書曰皇明禮制以示閣臣云皇太子親王之妾俱稱才人閣臣上言此書臣閣中及部中俱所無有請頒禮臣依此擬之加號曰才人天啟初年進諡孝和皇太后或云此書乃建文時所輯也昭代紀略

魏慎嬪

萬曆丙午元夕御宴慎嬪魏氏勸停礮稅取君民同樂因面斥鄭貴妃為妹妲妲旨幽之別室七日卒嬪魏縣人好直諫與孝靖深相結素為鄭所忌光皇七歲時微有水厄嬪力護得無恙鄭妃恨之遺擯斥者屢矣及譴死頗著靈異上嘗念之卹最厚通紀

郭國嬪

郭國嬪諱愛字善理鳳陽人穎悟敏賢而能文宣宗聞召之至宮二旬而卒先數日自必死復書楚辭以自哀其詞曰修短有數兮不足較也生則如夢兮死則覺也先吾親而歸兮獨慙乎予之孝也心悽悽而不能已兮是則可悼也七修類稿

兩宮

皇太后之父母自來罕有存者神皇即位尊皇后為仁聖皇太后

尋晉侯恩禮隆  
厚百倍于錢氏慈  
懿崩既於周太后  
以上補第六行二  
伯下

皇貴妃為慈聖皇太后兩宮並重其父母皆存真太平盛事慈聖  
母王氏時入宮聖母以家人禮上食王避匿曰太后至尊奈何以  
老婦教朝廷禮賞賜不可勝紀慈懿英宗正雖加二字為重然特  
虛名耳於外家無所推恩初英宗重念后族胤嗣單弱每欲昨雄  
茅土慈懿輒辭謝故終身不及封拜憲宗念累朝外戚俱有封爵  
乃封承宗為安昌伯而周太后封二伯伯幾不得封賴憲宗明聖大  
臣力爭始得封蓋嫡母雖尊比易代決不敢敵生母觀慈懿之云  
則仁聖得此已極崇重而陳氏亦云厚世矣昭代紀畧

### 御膳

世廟久在西內朝夕御膳不用大官所供皆以左右貴璫輪直供  
應取其精潔便適也諸璫以此市寵務為豐華穆廟以來相沿為  
例已而賜予日減諸璫匱竭而供膳之費不減舊時無論其他即  
司禮之長日役內使百餘以供廚傳所費可知也諸璫力不能供  
無以為資往往請託諸司以佐其費蠹政之源亦有在焉

### 內宴

上初即位宮中內宴仁聖上座慈聖猶在閣中不敢同坐其後稍  
久乃並坐云國朝家法極嚴上詣兩宮朝皆設席座前起居叩頭  
跪而受茶迄不敢坐即時內宴上座上坐東閣中宮坐西閣每一  
進酒上自執爵中宮持樽長跪而獻仍各退入東西閣再奏又出  
以至九奏傳兩宮起上與中宮仍跪請留已乃設小座於閣內兩  
宮高后同座行爵無算始為家人語蓋大宴帝后不坐也宮中內宴  
謂之上座先時有奏書宴有致語皆詞林撰進

### 狎教坊妓

景皇狎教坊妓李惜兒召入宮中其兄李安賜房屋金帛千計教

皇狎太原妓劉良女携以從大愛幸之飲食起居必與偕上至臨清復乘舸至張家灣挾劉遇湖廣右參議林文績入其舟奪一妾而去至大同娶都督馬昂妹至綏德幸總兵戴敘家娶其女外紀正德末年駕駐南都日以泛龍舟為戲忽欲幸蜀諫者皆不從適上所嬖娼號劉娘娘者言上往吾不能從上乃止

巡邊

正德戊寅二月上巡邊還文臣百官具陣詞以迎其文曰恭惟總督軍務威武大將軍朱頁出類之奇才抱超群之絕藝以聖賢之德專將相之權時因小醜跳梁遂率大軍征討深思遠慮後殿前驅陣方布於疆場賊已落於陷穽上以安乎社稷下以慰臣民操馭之精湯武與之同烈戰攻之妙孫吳為之下風福及當年慶流后裔班師有待觀示無疆某等欲罄愚心同呈俚語詞曰曉來聽得平湖報工賈士農開口笑一鞭傾倒虎狼巢萬騎踏平荆楚道旌旗旋奏邊徼凱歌回光九廟將軍福力重如山萬國十邦人倚靠右調寄玉樓春外紀

幸第

宸濠謀逆武宗親征既得凱旋遂駐蹕金陵復渡江幸楊一清第賜絕句十二首公又應制律詩四首應制賀聖武詩絕句十二首編為二卷名車駕幸第錄公自敘謂虞廷賡歌之後古帝王有以章寵臣下者不過一篇數言而止未有聯章累牘若是其盛者至於庶萬乘之尊在位者或有之然亦鮮矣若罷政歸休者為尤鮮王守溪奏有四絕句云相國移家江水湄金山等已多太平金鏡無由進願得迴鑾一顧之趙普元為社稷臣魚水更何人難虛雪夜相過意海錯尤堪佐酒巡北固山前駐翠華殿勤來訪相臣

家太湖怪石慙多幸也得相隨戴后車賡歌千載盛明良宸翰如  
金史焯煌漫衍魚龍看未了黎園新部出西廂

列傳云正德十五年上自稱威武大將軍南巡至鎮江幸大學  
士楊一清私第御製詩十二首以賜命一清卽席恭和歡宴沾  
醉盡夜闌而罷相傳上將臨大學士靳貴喪命詞臣撰祭文皆  
不稱旨乃御製一首云朕居東宮先生爲傅朕登大寶先生爲  
輔朕今南游先生已矣嗚呼哀哉代言之臣老於文學者皆歎  
首斂手楚史載上幸宣府製小詞有野花偏有邑村酒醉人多  
益天縱聖神言語文字之妙信不關學問也

### 綵帳

正德戊寅正月己巳上傳旨群臣用曳撒大帽鸞帶奉迎丙午上  
還自宣府群臣候德勝門外中宮預傳上意具綵帳數十綵聯數  
千皆金織字序詞惟稱威武大將軍不敢及尊號衆官列名於下  
亦不敢稱臣又具白金羊酒綵幣於一紅梵夾進御爲賀儀良久  
上戎服乘赤馬佩劍而來邊騎簇擁見大毬起戈矛閉煙氣直上  
乃知駕至群臣皆於道左叩頭上下馬坐御帷大學士楊廷和奉  
觴梁儲注酒將冕奉果楊毛紀奉金花稱賀上飲畢云朕在榆河  
親斬酋首一級廷和等叩頭對曰皇上聖武臣等不勝慶幸上遂  
馳馬由東華門入豹房越十四日賜文武臣銀牌於左順門一品  
重二十兩二品三品十兩文曰慶功五綵飾之貫以朱組四品五  
品及都給事四兩給事中御史三兩文曰賞功貫以青組益酬綵  
帳賀幣之價也唯翰林以無賀儀不與賜云國史

### 取截江網

成化十八年司設監杜福友傳旨着國子監生湯榮軍舍孫智前

往常州府取截江網古書一部盧岐僧院刻絲作羅漢一十八幅  
觀音二幅再有古蹟書畫尋來進用憲章錄

與張真人書

世廟與真人書自稱元陽帝君嘉靖六年又稱象一帝君書奉正一詞

教張真人幕下後書嘉靖十八載孟秋吉日象一拜圖書云元陽寶記

恩封

嘉靖三十五年恩封睿宗為三天金闕无上玉堂都仙法主玄元  
道德哲慧聖尊開真仁化大帝獻皇后為三天金闕无上玉堂總  
仙法主玄元道德哲慧聖后慈化天后上初封靈霄上清統雷元  
陽妙一飛玄真君加封九天弘教普濟生靈掌陰陽功過大道思  
仁紫極仙翁一陽真人元虛玄應開化伏魔忠孝帝君再加太上  
大羅天仙紫極長生聖智昭靈統三元證應玉虛總掌五雷大真  
人玄都境萬壽帝君自是至四十五年又不可勝紀矣

法號

正德五年上自號大慶法王西天覺道圓明自在大定慧佛特給  
黃金白玉軸頭誥命

武宗嘗易名為壽命給御馬監太監天字一號牙牌外紀武廟  
樂以異域為戲又更名以從其習學韃靼則自名為忽必烈習  
回回舞則自名為沙吉教爛學西番刺麻僧教則自名為大寶  
法王領占班丹云外紀

封號

萬曆四十二年初封宋岳飛為神霄右監門靖魔王將忠勇岳鄂  
王遺寇大元帥又加封誅邪輔正將精忠武穆帝君見崇禎八年  
九月武穆肅高孫岳虞牧疏天啟四年三月敕封護國濟運金龍

四大王通濟平浪元帥從總漕蘇茂相請也七月敕封三界伏魔大帝神威遠鎮天尊關聖帝君案封號出自神廟遣內使捧衣冕至廟中未經禮部不得其詳至是奏請定正詔海內遵行

賜黃金

國朝黃金不以賞而自葉昇靖寧侯葉昇以擒賊首功賜黃金二百兩白金三十兩池裕池裕以獲寶功賜黃金一百兩白金三百兩外正統中三殿二完貴太監阮安曾保各金五十兩銀一百兩綵段八表裡鈔一萬貫景泰中以參將楊俊獲喜寧功并總兵官朱謙各賞金三十兩銀六十兩加賞俊金二十兩銀三十兩綵幣三表裡又以立東宮賞大學士陳循高穀江淵蕭鏊商輅各黃金五十兩賜黃金凡五見

賜發醅酒

宣德三年楊榮楊士奇等十八人從游萬壽山賜以發醅酒復命游小山看西域所貢二獅

賜黃金兜牟

麓川思任發叛命將貴為平蠻將軍王驥總督軍務率兵征之頻行賜黃金兜牟細鎧蟒綉緋衣朱弓矢

谷蜀二王賞物

永樂初賞谷王穗金川門功樂七奏衛士三百金銀大劍金三百兩銀三十兩鈔三萬錠綵幣三百疋良馬二匹金龍鞍轡二副又馬二十四匹金鞍二副銀五百兩鈔四萬六千錠錦十疋紵絲綾羅各六十疋絹一百九十疋又銀一千兩鈔三萬錠袍衣三襲絹五百疋白兔羅錦十條西洋布三十疋檀香三十斤降真香五百斤胡椒蘇木各十斤良馬十疋羊百羴酒五百瓶椰子三百火者百人賞蜀王椿發谷府反謀功黃金二百兩銀一千兩鈔四萬錠

玉帶一圍金織衣龍紵絲紗羅衣九襲紵絲紗羅各五十疋絨錦  
十疋綵絹十疋兜羅錦十條高麗布一百疋白米千石胡椒千斤  
良馬十疋金鞍一副又銀四千五百兩鈔十萬錠米一萬石紵絲  
五百疋紗羅各二百五十疋絹一千疋兜羅錦六十條蘇木五千  
斤胡椒三千斤珍珠一百九十二兩馬一百匹金鞍一副火者百  
百人難取燕都定中原之賞不能望萬一也 該會

賜鐵簡

劉璟為閩門使賜第馬衣帶又金書除奸敵任四字於鐵簡以賜之

賜髹几

董倫思縣人建文皇帝即位召拜翰林學士賜御書怡老堂扁及髹  
几玉鳩杖各一倫上表謝有云桓榮設几杖於太常不聞宸翰之  
賜晏殊舊學於神道未見几杖之頒自今將杖戒噎則當思四海

或有飢餒之民馮几以安身則當念一物或有顛連之歎或曰此  
孝孺代筆也

賜通天犀帶

李景隆北伐賜通天犀帶

賜萬歲山竹

于少保謙病疾壅上為幸萬歲山伐竹以賜

張少師賜物

張少師居正十二年滿上為召吏部傳諭元輔居正受先帝顧命  
夙夜在公任事任怨雖稱十二年考滿實在閣辦事十五年忠勲  
與常不同應得恩應等項着從厚會議來看尋遣司禮監太監張  
誠賜銀三百兩大紅蟒衣一襲紵絲四十表裡年十隻酒六十瓶  
鈔十萬貫酒飯五卓雞十隻鵝五隻猪肉一百五十斤湯五品白



麩一百二十斤香油三百二十斤白糖一百斤黑糖一百四十斤  
蜜二十五斤燭一百對柴三百扛蓮肉二十斤荔枝十斤圓眼十  
斤膠棗紅棗各二十斤栗子三十斤冬筍二十斤麻姑香菌花椒  
各五斤

湧幢小品云江陵奪情辭俸光祿寺每日送酒飯一卓各衙門  
每月送米十石香油二百斤茶葉三十斤鹽一百斤黃白蠟燭  
一百枝柴三十扛炭三十包其餘橫賜不可勝紀

### 賜封記

仇鸞為大將軍上賜封記文曰朕所重惟卿一人得密封奏進事  
賜畫狀元印

吳偉孝廟賜畫狀元印

### 俘獲

洪武三年春信國公徐達平章李文忠征沙漠大破廓擴帖木兒  
於川北擒故元王公及平章等官一千八百六十五人將校士卒  
八萬四千五百餘人獲馬萬五千二百八十餘匹橐駝驢騾雜畜  
稱是擴廓僅以身免文忠復進搗開平獲元王嫡孫買的里八剌  
及后妃宮人暨諸王省院達官士卒并獲宋元玉璽金寶一十五  
宣和殿玉圖書一玉冊二鎮圭大圭玉帶玉斧各一其他駝馬牛  
畜無算洪武二十一年大將軍藍玉副將軍唐勝宗郭英討北鹵  
於捕魚兒海時定遠侯王弼為先鋒直薄鹵營眾遂降鹵主脫古  
思帖木兒以數十騎遁去追獲其次子地保奴等六十四人及故  
太子必里禿妃并公主等五十九人又追獲吳王朵兒只代玉達  
里麻及平章八蘭等二千九百九十四人軍士男女七萬七千三

十七口得寶璽圖書牌面一百四十九宣敕照會三千三百九十道金印一銀印三馬四萬七千匹駝四千八百四頭牛羊一十萬二千四百五十二頭車三千餘兩聚肉兵甲焚之奏聞遂班師兵制考

細哈出

洪武二十年大將軍宋國公馮勝等以故元降將細哈出所部官屬將校三千三百餘人馬二百九十餘匹金銀銅印一百顆金銀虎符及牌面一百五十五事王九國公郡王四太尉國公五行省丞相一司徒平章十三右丞左丞三十一參政知院三十二各院使同知副樞八十一僉院院判二百二十八院副使五宣慰司僉事一百八十九萬戶十戶路府州總管同知等官九百二十七尚書參議二承旨學士十文學司馬七大卿司卿少卿十八衛帥府僉事三郎中員外十五王府六蒙古宗人衛副使一省大使二

師生來朝

洪武三十年天下講讀大誥師生來朝者凡十九萬千四百餘人

徙北平民

魏國公達徙北平山後之民三萬五千八百戶散處衛府凡已降而內徙者三萬四千五十六戶紀事

蛋戶

洪武中倭數掠海上上既遣使命將築城增戍又命南雍侯趙庸招蛋戶島人漁丁賈暨自淮浙至閩廣幾萬人盡籍為兵分十千戶所於是海上惡少皆得衣食縣官云紀事

北征

永樂二十年北征餽運凡前後運用驢三十四萬車一十七萬七千五百七十二輛挽車民夫二十三萬五千一百四十六人運糧

十六廉訪使副運同使副六衛帥府使一治書安撫司農各一大小監理司銀事部郎中主事兵馬指揮府衛鎮撫崇福司使副經歷太監院官及州縣等官二百二十二將校一千四百餘人送玉京師已上補前葉

凡三十七萬石

安南

永樂五年安南平乃置交趾布政使司都指揮使司按察司分十七府四十七州一百五十七縣衛十一所三市船司一安插人民三百二十萬獲蠻人二百八萬七千五百糧儲一千三百六十萬石象馬牛十三萬五千九百船八千七百軍器二千五百三萬九千張輔上交趾地圖其地東西相距一千七百八十里南北相距二千八百里建設軍兵大小衙門四百七十二安南班師之日文武吏士携家而歸者八萬六千六百四十人為黎賊遮留不遣者又數萬人紀事

四夸館

四夷館有八曰西天曰韃靼曰回回曰女直曰高昌曰西番曰緬甸曰百夸永樂中所設也七脩類稿

兩都

高皇帝建都南京金碧峰和尚啟之見客座新聞文皇帝遷都北京李至剛尚書啟之見野記七脩類稿

二衛

皇祖國初時立君子舍人二衛君子衛居文官子弟舍人衛居武官子弟以宣使李謙安子中領馬畫則侍從夜則直宿以為腹心及祭極後凡總兵官家眷俱要京師住謂同享富貴二者雖若寵之實防之也今上

三衛

案大明實錄洪武二十二年五月遣使勅諭故元遼王阿里失禮等於大寧等處設立三衛以阿里失禮為大寧衛指揮使塔賓帖

木兒爲指揮同知海撒男答爲漢福餘指揮同知脫魯忽察兒爲  
朵顏衛指揮同知各領所部以安畜牧則長陵未許北直時小後  
諸州皆先爲其屬矣况復與之耶此亦當時之失計故居庸之外  
所持爲藩籬者止宣府而遼陽一帶不可通也七脩類稿

### 墩臺

成化二十三年都給事中劉昂等劾奏御史余子俊妄費邊儲上  
命工部侍郎杜謙勘報還奏以子俊在邊未及二年費用官銀一  
百五十萬餘兩糧料二百三十萬石雖因供給軍馬脩築墩臺然  
勞民傷財不爲无罪上令致仕去

### 大寧糧粟

洪武二十年大寧都督高昇奏所築大寧等城見貯糧石大寧二  
十一萬石松亭關五十八萬石會州廿五萬足足供數年邊用

### 延綏鎮軍器延安志

大小車三十九輛 一丈長空木桶砲四位 五尺長空木桶砲  
一位 小竹火箭七千五百枝 生鐵小炸砲五千四百三十箇  
生鐵大炸砲九箇 火箭桶一十三箇 鐵箭一百四十四枝  
遮牌八面 磁炸炮八箇 生鐵蒺藜七千三百七十二箇  
生鐵罐二箇 紙火繩五十六根 刀五口 鎗頭九十箇  
大鉛子一百二十箇 烏鎗鉛子三百九十六箇 鉛子六百箇  
大小鐵子五十四萬四百二十七個 火罐三十六箇 磁炸砲  
三百八十三箇 鐵炸砲二百四十二箇 竹杆六千八百五十  
六根 大箭墜二百七十箇 大箭頭一千四百八十箇 大小  
石子一千三百五十箇 起火三百一十箇 熟鐵蓋口砲一十  
八位 鎮殿銅將軍砲四位 鎮殿銅發頁壺砲四位 鎮殿生

鐵將軍砲六位 生鐵馬腿飛砲二十三位

### 烽火

舊制遇警日則舉煙夜則舉火鳴砲一沿邊傳至鎮城若不退每一時照前舉行一次如出境日舉空烟夜舉空不鳴砲其三五十騎至百騎日則懸黃旗一夜則懸燈籠一二三百騎至五百騎日則懸青衫一夜則懸燈籠二六七百騎至千騎以上日則懸皮襖一夜則懸燈籠三千騎至萬餘騎日則懸青號帶一炬烟一夜則懸燈籠四

### 文移相激

弘治初調監察御史姜洪為山西夏縣知縣洪巡按胡廣與總督漕運都御史秦紘因公事文移相激紘批詞云劄付尚廣布政司經歷司轉呈巡按監察御史姜洪照詳施行洪亦批云布政司呈馳差人咨稟淮安總督漕運官早行處置毋致臨時有悞國用於是紘奏洪越禮不遜事下都察院刑科參紘紛擾自傷大體都察院亦言巡按御史令經歷司轉達巡撫都御史於事體無礙上以事干名分命吏部會議之於是吏部尚書王恕等言洪詞失大體刑科都察院詞涉偏向上曰洪批詞不遜有失大體難居風憲調外任用都察院僉書官偏向不公各罰俸一月祖宗朝其待巡撫與巡按體統懸絕如此今幾於倒置矣

### 庶吉士

庶吉士舊例不考察隆慶間太宰虞坡楊公惡庶士之抗禮也欲察館師太州趙公闕諸朝幾至攘臂乃不果察

昭代紀畧

### 院長

翰林院掌院者例不帶印綬張江陵當國時一日諸學士入揖張

忽問曰院長如何不帶印綬對曰不敢張曰敢問其不敢何旁一人對曰中堂在上是以不敢張曰我非翰林院官也張意益以宰相自異身然今院長不帶印綬如故昭代紀畧

### 光學士

翰林院學士近皆禮部尚書或侍郎兼之未有特授之也特授翰林學士者名曰光學士禮貌甚優朝班則立於僉都御史之上出則雙棍前導即道遇閣老亦不引避往時藩洲張相公嘗一爲之此後未有繼者講讀學士比光學士不同然朝班亦在僉都御史之下祭酒之上萬曆中田鍾台爲祭酒劉和石以太常少卿兼侍讀學士劉以田爲前輩讓居其下公遂因之然此兼侍讀學士耳若特授講讀學士者終當在祭酒之上以存舊章同上

### 十知貢舉

大學士嚴嵩禮部尚書胡濙十知貢舉吏部尚書蹇義王直十爲

### 守令久任

永樂宣德間守令久任者陝西鳳翔知府扈邁至三十年寧州知州劉綱至三十二年聖談

### 閣部久任

我朝內閣學士多久任三楊寵任終身無論矣正統而後曹鼎陳循苗衷高穀皆十餘年彭時商輅先後八閣凡二十年李賢十年萬安劉健皆十九年劉吉李東陽十八年劉琳十一年徐溥十二年楊廷和謝遷梁儲皆十餘年先公筆記

鄭端簡曰忠定秉銓忠靖握利權皆二十七年劉忠宣尚書兩京三十九年而在南交者十九年胡忠安爲禮部尚書三十二年周文襄巡撫江南二十二年皆久任責成續藏書

巡撫久任

王翱在遼東十有一年于謙在河南西一十六年陳鑑在陝西十餘年  
先公筆記

背刺字

嘉靖中南京禮部侍郎黃綰為言官所詆自言背刺盡忠報國四字下法司覆勘天下笑之正德五年錦衣衛匠餘刁宣上疏自言背刺精忠報國字詔本衛執之杖三十發海南充軍著在國史黃見之不當愧入地耶

王靖遠

正統十四年四川衛儒學訓導詹英言靖遠伯王驥都督宮聚等奉命征思機發不體上心惟縱已欲行李二三百扛動役五六十人挾帶綵幣等物密散都司官以邀厚利却敢故違祖訓擅用擡割之形以進御為名實雷已用及至行師全無紀律大軍一十五萬俱從一日起程蹂踐傷殘略不憚惜其運糧又不設法每軍運米六斗搬負艱辛何以養銳以致有自縊而死者又指馱糧為名派馬一千餘匹不知此馬何施又臨賊境金沙江邊攻圍不克被賊殺死都指揮等官却將漁戶解作生擒遂令班師將地方分與木邦孟甸反以敗為功欺天覲賞昔唐南詔有警侍御史李宓將兵七萬擊之兵敗楊國忠更以捷聞范祖禹引管子之言曰君門遠於萬里言壅蔽之害深也皇上深居九重豈知此弊乞將驥聚執付法司明正其罪先遣廉幹官前途盤檢各官行李以謝天人之怒以快士卒之心疏下兵部會同三法司議遣御史一員沿途直抵雲南同彼處巡按御史從公實勘明確具聞上以專任驥等征勦苗寇特原之

征蠻斬獲

成化初年韓襄毅雍以左僉都御史贊理南征軍務率漢達官軍一十五萬直搗大藤峽諸蠻巢穴擒斬賊酋長池大狗李吉衡楊光志等共四萬一千餘級奪回被擄男婦二萬餘人平除寨洞八百三十六處二年蠻寇復發督兵征進柳州大容山北流容縣雞冠山博白等處擒賊酋鄭昂等共一萬九千餘級四年五年又歷征進謝仙牛嶺山等處擒斬首從賊七千三百餘級六七八年征進團鄧山南寧等處擒斬首從賊共八千三百餘級十九年征進七里沙田高鄉等處擒斬首從賊共七千九百餘級征蠻斬獲之功無有過之者

金長史

雙槐歲抄云袁廷玉嘗以事過鄧見一婦乳女於榜廊哭甚哀問之云夫當戍趙州今在酒肆飲旗軍飲畢即行矣廷玉惻然與俱至肆所詰其夫曰我韓嶺金世忠也居以下度日今缺戍為族人賂卒長以我代行廷玉為相曰此尚書胥也勿慮因代償其酒價且貸米二斗贈之曰富貴毋相忘金至戍以下行文皇召而試之金有才辨應對彙起不窮遂得幸迨舉兵俾署長史篆累遷兵部尚書兼詹事此可以補志傳之佚

默相事機

永樂封靖難功臣獨以曹國公李景隆兵部尚書如瑞都督王佐謂默相事機忠誠茂著景隆加封號奉天翊運推誠宣力武臣特進光祿大夫左柱國太子太師歲增祿米一千石如瑞封奉天翊運推誠宣力武臣特進榮祿大夫順昌伯俱歲祿一千石終本身第考其功績景隆再率大軍北伐書檄指斥過自誇大而所謂默



相事機者惟云。上至龍潭。景隆等以建文命迎謁。既見。俯伏汗流。浹背。不敢仰視。上曰。勤苦公等至此。雅意良意。厚。景隆等不能對。久之。始以割地講和為請。上曰。公等作說客邪。云云。乃遣景隆等歸報。建文以索首禍。姦臣為請。復遣景隆等到軍。景隆等不敢行。乃遣諸王而金川門之獻成矣。三臣默相之說。絕不可曉。豈已預納款。或為內應耶。不然。據史所載。何足封也。景隆監修實錄。輔導太子。預國大議。弟增枝鎮荆襄。又配茹瑺子鑑。以秦王女王佐出鎮雲南。寄肺腑之任。然不三載而皆獲罪。景隆奪爵。閹門囚禁。以死。凡五十年。而家屬始釋。繫如瑺道經谷邱。知其反謀。不入謁。下獄。死其子遠。徙家籍。至洪熙始赦還之。王佐亦下獄。死。三臣踰分之賞。與不測之禍。必有故而不可考。亦異哉。

### 翼戴

建文諸臣翼戴文皇者。兵部尚書茹瑺。戶部尚書王鈺。吏部右侍郎蹇義。戶部左侍郎夏原吉。工部右侍郎黃福。工部尚書嚴震直。戶部尚書古朴。工部尚書鄭賜。戶部尚書郁新。兵部左侍郎劉儁。工部左侍郎張思恭。禮部左侍郎王達。翰林學士董倫。王景侍讀。學士陳洽。吏部郎中胡廣。翰林修撰楊榮。中書舍人黃淮。侍詔解縉。審錄楊士奇。已謫而後用者。工部右侍郎張顯宗。大理寺卿薛岩。

### 鄭居貞

鄭居貞。人。欽。洪武中舉。明經授鞏昌判。陞禮部郎中。二十三年進河南參政。永樂初。坐方黨論死。初。孝孺之教授漢中也。居貞以詩送之。曰。翩翩紫鳳雛。羽翮備五彩。徘徊千仞翔。餘音散江海。於焉覽德輝。濟濟鏘環珮。天門何處峨。群仙久相待。晨沐晞朝陽。夜息飲

沈澶如何復西飛去去秦關外岐山諒匪遙啄食良自愛終當巢  
向閣庶以鳴昭代又次韻寄孝孺云閣下知名久相逢值暮春才  
華曾動主議論每過人漢水原通蜀台州亦近關何時江海上尊  
酒話西秦次章云為問天台路何時別草堂十崑氣萬卷有虹光  
為政憐吾拙搗辭屬子良方思歌伐木深負詠甘棠 表忠

### 譚府椽

浙江甲午解元譚昌言嘉興人其父以資為府椽新參之日北舍  
有女子哭者而甚哀譚問其故乃坐庭遣戍將以完庭而遣也母  
止一子又年七十矣譚惻然曰可代乎曰若得分庭若干罪止徒  
五年可贖矣顧苦攀他人難甚奈何譚慨然曰吾吏不過一芥耳  
棄一芥而全女子之大不亦可乎然吾家貧庭贖必子自辦吾出  
名分罪可也罪者不信曰世安得有此人譚竟白於府分其罪而

安全之退隱故廬適甚也後十餘年而子昌言聯登為顯宦

廬江雜筆

### 汪進士

徽州汪鳴鸞萬曆壬辰會榜第二十一名二月十九日友人拉游報  
恩寺其族弟同年進士某預焉先一夕鸞夢翼而升天喜甚謂其  
弟吾廷試必狀頭也寺后有浮屠者游者止可登第四級餘三級高  
之久矣鸞必欲登之僧謝以多年不開亡論有所諱忘即塵網堆  
積難以頓除鸞必不已命僕持帚同上頃之飛塵下墮火起佛燈  
繞塔殿而上鸞竟焚死同游皆仰視莫能救云 今前

### 一榜三及第

嘉靖己酉浙江舉人內唐公汝為狀元陶公大為榜眼趙公志為  
探花南直甲子舉人焦公茲為狀元余公夢劉公斌皆為榜眼一  
榜三及第亦異事也萬曆丙戌乙酉以後內閣三公俱南直人申瑤

泉狀元王荆石會元許穎陽解元四三人應三元之數皆出南直又大異事

狀元

狀元官學士者二十三人吳伯宗胡廣曾榮陳循曾鶴齡邢寬馬愉曹鼎劉儼商輅彭時柯潛孫賢吳寬王夔謝遷曾彥費宏顧鼎臣唐昇李春芳姚涑羅萬化

狀元入閣辦事者十一人

胡廣曹鼎馬愉陳循商輅彭時謝遷費宏顧鼎臣李春芳申時行癸丑周延儒壬戌文震孟

狀元有謚者二十六人

胡文穆廣曾襄敏原馬襄敏愉曹文忠鼎施莊僖樂劉文介儼商文毅輅彭文憲時孫襄敏賢黎文僖淳王文莊一夔羅文毅倫張文

僖昇吳文定寬謝文正遷費文憲宏毛文簡澄朱恭靖希周顧文

康鼎呂文簡楫羅文恭洪先李文定春芳諸文懿大綬丁文恪

士美申文定時行羅文懿萬化

二羅

成化丙戌羅狀元倫以言事謫外復官脩謨贈諭德謚文懿嘉靖己丑羅狀元洪先亦以言事為民官止贊善贈光祿少卿謚文恭兩人地同姓同大魁同言事同講學同從六品得謚同贈官從五品同尤為奇絕

馬李

宋乾道中單尚書獲生母媵也又往耿氏生侍郎延年及死尚書侍郎葬其母一時以為美談永樂中長樂馬某娶妾生子鐸矣而妻媵不容嫁之同邑李氏方有娠未幾生子故以馬名之後鐸

戊

常

中永樂壬辰狀元馬中戊戌狀元一母而孕兩狀元可謂曠古之奇

五桂

嘗熟章御史珪國初以薦舉起家五子儀正統辛酉助教格景泰辛未大理卿表景泰辛未參議律景泰甲戌僉都度景泰庚午知縣時稱五桂聯芳以擬實氏按吉水張博士安禮亦以薦辟起家子伯穎洪武甲子脩護士愷洪武乙丑知縣宗璉永樂甲申中允汝勤永樂壬午持永永樂癸未亦稱五桂又長樂陳教諭德隆景泰丙子子讓弘治乙卯謹弘治壬子同知談正德戊辰知府讚嘉靖癸未副使鑾在德己卯知縣公安袁氏宗道宏道中道皆進士復道致道皆萬曆庚子黃岡王知縣麟弘治己未子廷梅嘉靖癸未知府廷橫廷植廷儒廷錄皆舉人曹縣王參政珣子崇文崇獻崇仁崇儉皆進士崇儒舉人方諸宋代恐燕山不得專美於前也

洪漢

洪漢成化壬辰進士嘗考一榜有兩同名者必一盛一衰是榜有兩洪漢而徽州字朝宗者名位不甚顯不但壬辰如永樂乙未省兩葉恕宣德庚戌有兩王復正統丙辰兩李春景泰戊辰兩張瑄兩劉瑄兩楊瑄俱在辛未一科天順丁丑之王道成化丙戌之徐霖己丑之鄭宏甲辰之王溥其在弘治癸丑曹瓊丙辰陳定壬戌魯鐸正德辛未王壘辛巳王朝用而丁丑則三張淮嘉靖丙戌壬辰戊戌辛丑四科同名者張守約高節章煥陳善幹見官爵歷年相同者然位無崇卑久近惟不愧於心不負其職為可貴耳若洪漢者豈非千古中一二人哉漫及之見古同姓名錄不虛云

科場

再試

洪武丁丑會試考試官學士劉三吾安府紀善寶坻白信福取宋  
琮等五十一人中原西北士子無登第者八對大廷賜進士及第  
闕縣陳郊爲首吉安尹昌隆次之會稽劉諤又次之被黜落者咸  
以爲言上大怒下詔命儒臣再考下第卷中擇文理優長者復其  
科第於是侍讀定海張信侍講奉 戴彝春坊右贊善寧海王俊  
華平度司憲右司直郎永嘉 謙司經局校書瑞安嚴叔載正字  
樂安董貫二府長史惠安黃章韓府紀善無錫周衡靖江府紀善  
吉水蕭楫及陳安等首甲三人命命人各閱十卷或聞三吾與信  
福至其所囑以卷之最陋者進呈上益怒章進一卷答君臣同遊  
策有曰貴而在上者君也賤而在下者臣也貴以臨賤賤以承貴  
叔載進易義有曰一氣交而歲功成上曰君臣同遊本爲君明臣  
良以成千載一時之盛今言貴賤正譏如今臣下犯罪不復寬宥

矣陰陽必二氣乃交感今日一氣交則獨陽不生孤陰不成誠爲  
悖理於是取六十一人殿試再賜策問以山東韓克忠爲首六月  
辛巳朔也先是丙子春上命翰林院官三吾及張信等詹事府官  
司憲王俊華張謙嚴叔載董貫及黃章等編纂歷代帝王自堯至  
元順帝三十七百餘年行事善可爲法惡可爲戒者提其精要列  
注各君之下至是年四月謨述漢武帝以長安獄中有天子氣遣  
使詣郡即獄罪無輕重皆殺之丙吉治獄拒不紉上見之以其譏  
誅胡黨也因命刑部拷訊諸閱卷者并祭酒楊淞皆出胡黨唯三  
吾信福及司憲爲藍黨彝及昌隆不與併宥三吾餘皆磔戮郊諤  
進卷不行明白用筆批直有感聖覽吏部奏發威南安置四月初  
二日恩宥取回郊降鴻臚寺司賓署丞諤降司儀署丞已而御史  
劾奏皆連坐以死宋琮竟能脫刑修享遐齡云○歲抄

公論

庚辰鼎元張江陵子也傳臚之日公自閩中歸方飲酒歡其心轉  
兵部送緊急塘報開函則內有簡云侍生公論拜賀老牛舐犢愛  
子誰無楚鳥爲鸞欺君特甚公覽之大怒亟索其人已亡去此四  
句蓋宋人以刺秦檜者也漫錄

宋韓忠獻公之子欲應舉公曰科舉以待寒微汝既有入仕之  
路何必與寒士爭名後其子以蔭官至門下侍郎爲宋名臣古  
之大臣用心如此近時宰執大臣爲子孫計以入監爲不足蔭  
以中書等官爲不足任而必欲其以科目進於是操柄之人意  
指黜授典文之司機括潛通而倚雲裁杏和露種桃者紛如乃  
至狀元及第亦相與附和而不覷夫國家凡百制度有司皆得  
以私意其間唯糊名易書一路公道猶存乃今墮之自柄臣始

也往日試目皆場中臨時所擬今則預白相府棘闈未開而人  
已知試目締構以俟暗藏關節故龍虎榜未放而人已知某之  
子某之孫必入彀矣景泰丙子順天鄉試內閣陳循王文之子  
不中式至訐奏考官欲置之罪高學士穀密言於上曰大臣子  
與寒士並進已不可况又不安義命欲構考官可乎由是二考  
官得釋而特賜二子舉人至弘治乙丑謝遷遂以其子丕及第  
矣戊辰內閣焦芳以子黃中不得狀元降調翰林諸執事至辛  
未楊廷和卽以其子慎及第京師人稱爲面皮狀元矣萬曆以  
來大臣子臣宦緣科甲者尤多昔宋雍熙開宰相呂蒙正之弟  
蒙亨李昉之子宗諤與許度支王鹽鐵之子皆以父兄爲執政  
罷之嘉靖甲辰翟鑾以其二子成進士時人語曰一鸞當道雙  
鳳齊鳴世廟爲之并黜其父欲清科場之弊當以此爲例宦海談

面皮狀元

舊制殿試讀卷大臣凡有血屬與試俱請迴避正德辛未楊廷和在內閣其子慎將殿試廷和亦以迴避為請上不許即如常以入是年慎遂為大魁京師目為面皮狀元有亡名子送一詩於楊末云假使四公皆有子狀元不識着誰填時內閣有四閣老故云紀外

試策譏訛

嘉靖三十五年李默以吏部尚書主會試趙文華自江南還默感氣折之文華劾其所試以漢武征伐四藝而海內虛耗唐憲宗功成淮蔡而晚節不終為譏訛上怒下默獄刑部尚書何鼈擬于罵父律絞竟死於獄嘉靖癸卯葉經主山東試上閱試錄手批曰策語含譏禮部尚書張望奏今北不入犯乃廟謨所攝而策謂饜飽而去乃遠經杖死闕下

夾卷

萬曆丙辰大學士吳道南主會試取沈同和會元同和父沈季文中馮夢禎榜魁富甲京省黃緣科第趙鳴陽為之夾卷及放榜同和第一鳴陽第六京師闕然元卷與坊刻相出入隨經科臣彈刻覆試曳白同和謫戍鳴陽削籍

關節

天啟辛酉錢謙益典浙省試受錢千秋數千金以一朝平地上青天七字為關節因而中式繼經論劾陰使千秋逃避沉閣不了謙益告病引退崇禎二年禮部尚書溫體仁上益世神姦疏再三覆案罪狀始結陳氏筆記

因字

萬曆十六年禮部郎中高桂疏參順天鄉試第十一名李鴻論語

篇腹中有一因字考之海篇直音因音匿謂私取貌詢之吳人土音以生女為因此其為關節明甚孟義大結尾云呼偽而可以為因吾未知新莽之果不可為周公也經書二篇結云傅巖之遇方自以為不世之遭即有賢者豈能盡其右而曰吾姑待之豈理也哉文義難通又若此第二十名屠大壯論語首篇云以後來之識見合諸前此之圖謀以新生之意見合諸初時之謀議有以一夫奏言徹行者中庸篇云道之端由此造其知乎道之端由此造其能乎孟義大結云之噲者流與唐虞爭烈至後場以創作瓶以闢作壁以煇煇為浮遊等字大率不通類此即寘之於小試當在斥降之列可以玷賢書乎弁山別集

引用莊列

崇禎六年禮部為遵旨具奏事奉旨取士有體不許引用莊列雜

雜書剽竊炫奇雖工弗錄考官寧不知之這黃美中論詞怪誕不經何以取中丁進等看作速回話部科奉旨查奏祇以荀氏之言為載之典籍其山河大地摩尼五色又出何書親經御前摘發尚爾一片隱狗其餘各卷可知也着回將話來

綠樹青山

應天黃美中卷有奢閻嫫刀綠樹青山之句奉旨查兵部職方司主事賀王盛論劾大學士溫體仁中姚軒之關節有據原卷中有推蓬起看依然綠樹青山等語邸報

稱號

兩脚書廚

昆陵陳濟善記書長陵嘗謂濟為兩脚書廚叢話

埋羹太守



王璉日照人洪武末以賢能授寧波知府自奉儉約一日見饌兼魚肉大怒令撤而埋之人號埋羹太守

長齋御史

沙河朱裳少勵清節及為御史寒約如故人稱為齋御史云

秋石尚書

無錫顧可學以參議家居矚上長生因重賄嚴嵩自言能煉童男女渡為秋石服之可以却老嵩薦於上歷官太子太保禮部尚書人呼為秋石尚書

清客宰相

編脩倪元璐屢言事大學士來宗道謂曰渠何事多言吾詞林故事惟香茗耳時謂宗道清客宰相紀事

陳烙鐵

陳寧初名亮洪武二年以兵部尚書出為松江知府政尚嚴酷人呼為陳烙鐵豫章漫抄

倭房公

萬曆十三年房寰為南直隸提學御史凌士紉賄恣睚狼籍吳人號為倭房公擬向房宮賦以志恨漫錄

金狀元

一甲三人孫賢徐溥徐轄各以貌色稱有金狀元銀榜眼鐵探花之目鳳洲雜編

小方面

正統中郭璉為福建參政時年二十四人呼為小方面紀聞

陳木匠

正德丁丑凡入翰林者皆有一諱名如陳沂喚作陳木匠鄭灝喚

作廊響馬馬如驥喚作馬小姐皆以狀貌相似而言外紀

邵半江

邵郡守以半江帆影落樽前白人呼為邵半江續臧書

蘇綉鞋

蘇平海寧人少時作繡鞋詩人呼為蘇繡鞋

杜赤壁

杜庠長洲人過赤壁題詩人呼為杜赤壁

馬清痴

嘉定馬愈縱佚不羈人號為馬清痴

王青菜

刑部尚書王質始繇教官薦授御史在蜀以廉稱出巡唯蔬食而已人呼為王青菜古懷雜錄

冷面寒鐵

南海周新為浙江按察使廉梗有威後稱為紀綱所中死人稱冷

面寒鐵公

窮鬼

劉都督璽居官廉潔巡按穆御史薦之有僚友比之學官家人謂之窮鬼等語及推總漕運上識其名喜曰是前窮鬼耶亟可其奏

萬歲閣老

宋王珪自政府至為首揆凡十六年無所建明有三旨相公之目傳笑史冊本朝泰陵在位淵默日久一日召見輔臣有所訪問粹不能對但叩頭呼萬歲而已當時目為萬歲閣老可作一對

堪輿相公

朱國祚舊臣錄用不自廷推猶且出山無色如遊方之益遠矣如

游之言曰相擇山陵精力盡耗即使精力耗於相擇駮擗揆地是又當添一堪輿相公矣

張慎言論孫如游疏

### 金精大王

雲南左布政使王維章貪婪亡狀滇地多黃金維章搜索不已人呼為金精大王

### 書劄式

洪武三年詔中書省臣曰今人於書劄多稱頓首再拜百拜皆非實其定為儀式令人遵守又小民不知避忌往往取先聖先賢漢賢國寶等字以為名字宜禁革之於是禮部定議凡致書於尊者稱端肅奉書答劄稱端肅奉復致平已者奉書奉復上之與下稱書寄書答卑幼與尊長則云家書敬覆尊長與卑幼則云書付某人其名字有天國君臣聖神堯舜禹湯文武周漢晉唐等國號悉令更之此事後來不復講矣

### 誥勅

成化以前誥勅之體猶為近古其餘本身不過百餘字祖父母父母暨妻室不過六七十字言之者無費詞承之者無愧色至嘉靖初藻情飾偽張百成十至以萬乘之尊下譽匹夫匹婦之賤殊非體制大學士張璁嘗以此為言一時詞林稍見釐正至夏言當國用進士董子儀聞人德行等在東房謨誥勅一日草封妻勅命有傳奇儀容俊雅德性幽閒之語大是淫褻矣後來推常熟瞿景淳學士謨詞獨古雅冲淡極為得體慶曆以來更用四六排比可厭白樂天所謂但博愚者悅不顧智者謂是已乃上讀言波靡之弊不知其至此也

### 投刺

余初於西曹見談舊事投刺有異者一大臣於正德中上書太監  
劉瑾云門下小厮某上恩主老公公嘉靖中一儀部郎謁國公  
勛則云渺渺小學生某皆極卑謫可笑然至今所親見復有怪誕  
不經者一自稱不佞至通家不佞年家不佞治下不佞鄰治不佞  
眷不佞一自稱牛馬走亦曰通家治下牛馬走一曰湖海生形浪  
生一曰神交小子一曰將進僕一曰未面門生一曰門生沐恩小  
的一曰待罪生皆可嘔穢不堪捧腹 觚不觚錄

書畫

分宜當國而其子世蕃挾以行贖天下之金玉寶貨無所不致其  
最後乃始及法書名畫蒼姑以免俗且鬪侈耳而至其所欲得往  
往假總督撫按之勢以脅之至有破家殞命者而價亦驟長分宜  
敗什九入天府後復供出大半入朱忠僖家朱好之甚豪奪巧取  
所蓄之富幾與分宜埒後沒而其最精者十二歸江陵江陵受他  
餽遺亦如之然不能當分宜之半計今籍矣若使用事大臣無所  
嗜好此價當自平也

濫觴

畫當重宋而三十年來忽重元人乃至倪元鎮以遠明沈周價驟  
增十倍竇器當哥汝而十五年來忽重宣德以至永樂成化價亦驟  
增十倍大抵吳人濫觴而徽人導之俱可怪也今吾吳中陸子剛  
之治玉鮑天成之治犀朱碧山之治銀趙良璧之治錫馬勳治翁  
周治鈔商欽及歙呂愛山治金玉 溪治瑪瑙蔣抱雲治銅皆此  
常價再倍而其人至有與縉紳坐者近聞此好流入宮掖其勢猶  
未已也同上

時尚

古今好尚不同薄技小器皆得著名鑄銅如王吉姜娘子琢琴如雷文張越案器如哥窯董案漆器如張成楊茂彭君寶經歷幾世士大夫寶玩欣賞與詩畫并重當時文人墨士名公巨卿炫赫一時者不知湮沒多少而諸匠之名顧不得朽所謂五穀不熟不如稊稗者也近日小技著名者尤多然皆吳人瓦瓶如龔春時大彬價至二三千錢龔春尤稱難得董質而臚光華若玉銅鑪稱胡四四蘇松人有效鑄者皆不能及爾而稱何得之錫器稱趙良璧一瓶可直千錢敲之作金石聲一時好事家爭購之如恐不及其事皆始於吳中猥子轉相售受以欺富人公子動得重貲浸淫至士大夫間遂以成風其器實精良他工不及其得名不虛也千百年後安知不與王吉諸人并傳哉

瓶花齋集

### 坊刻

## 文

嘉靖以前士習淳厚房樞坊刻絕無僅有評選程墨行於世者教清江項甌東也嘉靖末年昆陵吳崑麓江虹遠游於荆川之門學有原委始有正脈玄覽之刻學者皆宗尚之厥後則劉景龍之原始范光父之光記皆以軌範先民本原正始而時賢之窗福青衿之試牘皆不得闡入焉萬曆之中婁江王逸季始下操月旦之評然用以別流品峻門戶而已未及乎植交萬曆之末武林聞子將始建立坊燻之議然用以振明儕廣聲氣而已未及乎牟利啟禎之間風氣益變盟壇社奔走號叱苞苴竿牘與行卷交馳除日邸報與文評雜出詆言橫議遂與國運相終始以選文一事徵之亦當代得失之林也

牧齋有學集

### 俗號

天下十三省俗皆有號莫知所始如陝西曰豹山西曰瓜山東

勝河南曰驢蘇浙曰鹽豆江西曰臘雞福建曰癩四川曰鼠湖廣曰乾魚兩廣曰蛇雲貴曰象務各以相嘲然江西臘雞實元時江南之通號不安獨坐聞廖鳴吾戲廣東倫公云人心不足蛇吞象白山云天理難忘獺祭魚蜀舉子張儼與一廣善士每見輒曰委蛇委蛇士應之曰碩鼠碩鼠切對也 湖海搜奇

近峰聞略云今人呼謔之語皆有所本如宋都汴有何家數者其下行貨濫惡故呼何數今越人云數頭者當是南渡之遺也吳人善治豆豉遂以呼之所謂千里萹蒿未下鹽豉者也閩人多疥呼綿錦襖故云癩子見類說粵人善食蛙蛇秦少游謂蛙蛇當家口故粵有蛇呼秦人不識豹稱爲程故秦有豹呼衛地產驢呼驢爲衛故洛有驢呼中州人謂蜀人誕故稱川葦苴見山谷集老鼠其誤語 褚遂良諫立武后昭儀在簾中大言曰

何不撲殺此獠注西南夷曰獠今山西人呼獠疑此青齊人呼奮以貌言也於布尺亦云滇人善馴象呼象奴楚人善治醢魚海錄碎事作鮑呼乾魚元南人仕於朝者多以醋雞爲贄見草木子今特江西呼臘雞或曰吉安畜老雞能療病其價數倍故乃云

打行

蘇松淮揚之間有等刺虎天罡結黨立盟名曰打行又有一等鐵棍蹉棍把持衙門綽風捕影名曰禁火團 張繼孟疏

撞太歲

京師依托官府賺人財貨者名撞太歲吳中名賣廳角江西名樹背張風皆穿窬之行水南翰記

光蔗頭

吃

長安人朝詞林入閣謂之吃蔗頭

籤部

吏部尚書孫丕揚更定選法親自抽籤注缺時人朝銓部為籤部  
戳色

京中有婦女嫁京外人為妻妾者初見時以美者出拜及臨娶則  
以醜者換之名曰戳色兒

馬籠頭

近時舉子之文冗贅至十有餘言者不根程朱妄自穿鑿破題謂  
之馬籠頭處處可用也又謂之舞單鏡鬼一跳而上也起語百餘  
言謂之壽星頭長而虛空也其中例 字例 字謂之謂之  
此之謂此之謂有見乎無見乎名曰救命索篇篇相聚可謂世道  
長太息矣升菴

剪滯

今俗有偷兒剪去人身財物謂之剪滯京師中云剪滯益言一剪  
便滯也

攪緯

京師人居間曰攪緯勒脇曰拿訛頭指托曰撞木鐘

窰器名畫

薛 岡

國朝永樂宣成正嘉窰器與宣廟銅爐數百年後價視宋時諸窰  
商周彝鼎必翔宋甕色製雖古雅而器之精工細澤遠遜今代彝  
鼎出土者反易致宣爐在今日已不多得矣吳中名畫如沈起南  
文徵仲唐伯虎陳道復諸公後世珍之不在趙文敏米襄陽黃癡  
倪迂之下而吾鄉金木清太僕畫竹亦必在文與可蘇長公之間  
以其皆文人之筆無一毫畫工色相更難在每畫之中詩與書法

無一不佳百世可知推之以理

笑謔

眾父父

江陵相父七十朝紳各以文賀貢設獻位唯力是視眾方屬目一  
二作者反見其文莫不絕倒或稱嘉靖初年上帝南顧荆土將產  
異人以相君寄之封君或稱相君為眾父封君為眾父眾父父  
者蒼蒼是也中間不典之詞大都類此筆塵

易犬

萬曆甲申長安有七子之日萬曆辛卯長安有八犬之日皆時相  
入幕之賓也八犬連連山人下獄實狀為一犬所賣別易一人以  
進其不甘上疏自白時人謂易犬云

給相門事

盛

給事中錢夢昇附沈一貫時有布衣在一貫座夢昇戲之曰昔之  
山木山中之人今之山人山外之人布衣應聲曰昔之給事給黃  
門事今之給事給相門事識者噓之紀事

三身

禮部主事鄭振先疏論輔臣沈一貫朱賡李廷機為過去見在未  
來三月容受衣鉢顯露封章甚且比之李林甫盧杞秦檜云  
比之於象

大司馬黃嘉善在班行中人比之於象謂其昂然大物日但食俸  
班行好看而他事事可增也

本是王韋

弘治乙丑閏歲庶吉士以春陰為題王韋賦得歌行為諸老所賞  
時儲柴墟過訪陸子深適在座因索其稿讀之儲擊節歎賞曰絕



似溫李陸戲曰本是王韋蒼指摩詰蘇州以謔之也為之一笑外  
戲敵

施吳兩同年嘗與謔蒼戲敵施癯言寒可畏吳肥言熱可畏爭持  
良久謔蒼曰以兩君之姓定之亦不相上一迎風則僵一見月  
而喘謔蒼小品

莫踰尊號

香山何公號象罔者一日作對相難問海狗腎何對謔蒼曰人  
為難相與問堂而散詩傳

食千株松

王季重過汴上語林宗先生人生幾何吾家園手種千株松今謔  
設作濤聲矣先生曰如此猶戀戀十丈軟紅塵耶季重曰額曰滕  
有八兒子強顏為此輩出不則飢死矣先生曰何不食千株松季

重匿笑去書影



溫州

溫州府 函 本館